



978277

顧雙溪集 詩六



戊寅

水仙

楚客咏不到
香草有遺才
相攜澧浦去
本是洛川栽
銀蒜根初
迸冰蓓萼已
胎分依白石
畔並託綠蕪
開澄澹含芳
意孤清絕
點埃蕭蕭風
月下宛宛珮
環來荒嶺有
修竹疎籬無
野梅凌波
羅襪在孤舫
與徘徊

懷妹夫楊雍度

謀食誰安處
從官豈定居
家山別來久
松菊近何如
離思歸鴻
顧雙溪集 卷六
後春心折柳初
頻年多結約
秬附數行書

山行

百折千迴繞
常虞路未通
興行雲氣裏
人語水聲中
伏石頻疑
虎流泉宛若
龍逢迎敝筋
力撫字竟何功

以公事過合水麻隴諸村

忠信行蠻貊
吾聞聖語然
停車問俗極
曰好林泉方
有迂疎
諒誰將愷悌
傳承平邊境
靜尸素得頻年

一例風塵裏
休言無宦情
陽城考下下
定遠語平平
細草垂楊
路沿溪傍嶺
行經過慚父
老頻說長官清

欲雨

回溪曲澗水潺潺
柳初篁競碧鮮
行過野橋村落靜
翠嵐如
雨雨如烟

宿踏虎橋村店水聲徹夜不復成寐

白雨滿空山深夜
孤村宿燈影乍明
滅隙風吹破屋
喘息聞吏胥
倦色見僮僕
對竈爭燎衣
濕薪如爆竹
瓦盆盛濁酒
塵甑煮
豆粥小憇願
甘眠拂拭展
茵褥何期枕
流卧不教清
夢熟驚瀧
殷其雷千丈
落虛谷橋隕
恣崩奔石激
亂飛瀑平生
愛閒靜堅
坐鄙馳逐一
行誠謬妄
陳力就微祿
經年半羈旅
祗得五斗粟
強項終折腰
趨走隨塵俗
無求韋布尊
多營軒冕辱
羊腸耐崎
嶇蝸角轉
踰跼無術解
鞢鞅那復計
淹速揚朱岐
路悲阮籍窮
顧雙溪集

卷六

途哭縱識古人心
高步誰能續
達曙增慷慨
吾將返初服

見新月

柴煙薰火數家村
葦蓆蘆簾半掩門
嶺上松濤喧旅枕
一梳新月破黃昏

春日漫興用曜七弟韻

葦茅喚作小眠齋
茗椀香鑪自拭揩
結習惟知閒靜愛
倦遊翻有燕安懷
微風曲榭疑魚檻
返影深林似鹿柴
檢歷方驚佳節過
踏青何處覓朋儕

輕暖輕寒日幾番
楚江雲雨亦頻繁
惜花還倩裁旛護
種菜先教折柳樊
應節去來看燕社
忘機進退笑羝藩
日長據閣垂簾

坐架上殘書信手翻

屏列青山帶繞江小如邾莒亦成邦愛看草徑行馴雉敢信花
村息吠厖槐火石泉隨例換園桃罍杏未相降近來水宿風餐
倦厭聽高灘响急瀧

羈宦頻年客味諳治遊長憶大江南意中花柳勞歸夢句裏湖
山入短函春野耕桑皆樂土夜堂燈火卽禪龕簿書檢校無多
事獨坐支頤看翠嵐

再用前韻

坐忘那得學心齋斐几藤床且拂揩忙處雲烟爭過眼靜來花
月頗經懷怕呈圭角稜頰摸試擇中央立可柴底用清言并高
顧雙溪集 卷六 二

步悠悠何惜俗爲儕
齋期休暇似更番遮眼文書喜不繁風咏敢希狂士點田園擬
學小人樊每思立腳能冰履未信全身以貨藩但得澄心如古
井任他波沸更濶翻

年年然竹汲湘江何必烹鮮鄙小邦雨足青原無佩犢月明粉
堞少驚厖餘紅孤注甯相競眾綠宣驕未受降忽憶故山齊上
冢悔將萍梗涉濤瀧

荆楚鄉風宦久諳湖南曾否似江南十年謀食荒三徑千里論
文寄一函逋客行藏羞蕙帳癯儒骨相稱僧龕此山猿鶴休驚
怨容對朝暉與夕嵐

素心蘭

名花野處孰相尋，移植庭堦待賞音。
靜女幽姿呈素面，山人高格抱清心。
月明澧浦香初遠，波冷湘江綠未深。
從此不知蘅杜好，別教芳意滿冲襟。

堂下羅生舊紫莖，那知九畹有香蕙。
若爲緋佩彌矜貴，待結同心讓潔清。
淨洗暈痕憑曉露，含芳潤佔春晴。
試餐秀色療饑，得似潑新茶雪乳輕。

素心蘭開招同費廣文應泰令嗣孝廉志學小飲翼日俱有佳章賦此荅之

瀟湘春水波結秀爲花，身荃蕙固善化孤根吐清新。
輕紅既浣

顧雙溪集

卷六

四

盡澹碧亦自珍，慚余素衣緇。知君出風塵

紫莖非不佳，雪芽最高格。暫招素心人，竭來共晨夕。
謝庭有玉樹，臨風映秀色。臭味無差池，名花似佳客。

江南盛花市，得一已爲寶。羅生深谷中，開落伍眾草。
藉無采香者，雅素空自抱。新詩如清風，政可慰幽討。

和陶適齋新晴咏懷韻

山城五月棗花寒，徙倚層樓十二闌。
烟籠翠屏宜晚對，雨勻綠野愛朝看。
閱書頗耐旁行表，作草幾成逆上千。
饒有幽情摠俗事，雅稱居士暫稱官。

羞誇鞍馬洛陽街，賸得詩情替酒懷。
印綬垂腰驚外轉，雲霄失

腳誤初階升天或有拖腸鼠粘壁翻同負殼蝸暮檄朝符奔走
倦欲離泥滓辦青鞋

楚山合沓與雲齊回望長安笑向西政拙頗疑耽翰墨歸愚只
擬把鋤犁空瞻千仞翔威鳳安用三年養木雞悞矣八騶兼五
馬畧如黃葉塞兒啼

不圖吏隱竟吾兼莫以希遷問吉占蛤吠蛩吟喧伏枕苔痕草
色入疎簾須教搗後薑還辣久識刀頭蜜是甜但得精金成百
鍊未妨入冶聽鎚鉗

雜花蔓草伍紛披自愛紅鮮與碧滋隨地溪山成客主關心晴
雨半公私亂抽舊帙籤常倒獨坐虛堂席屢移忽接新詩憶懷

顧雙溪集

卷六

五

袖佩蘭不復采香蘿

再和

嵐霧陰沈生晝寒新晴堪喜一憑闌滔滔武水人爭涉面面衝
山我倦看早歲聲華名易噉頻年簿領祿難干飲冰嚙蘗終羞
澀聞道多錢得好官

高車大馬滿通街浩蕩安知曠士懷卷土欲謀量地尺肥雲信
有上天階冥鴻未必爭飛鵠屈蘄還應笑戰蝸任是聲名官職
好旁看只似着新鞋

作合天教宦轍齊分符同向沅湘西長身翻羨求囊粟弱腕無
能代輓犁斗水爲江响涸鮒甕天如線舞醢雞不知歸去如何

去漫聽深更杜宇啼

熊魚自古雨難兼任運忘機廢筮占一枕松風涼木榻萬山梅
雨濕筠簾懷冰豈屑因人熱釀蜜原拚不自甜底事緣貧還得
懶趨參公府足如鉗

堆案文書手自披批根那許莠根滋耕桑四野知官好風月雙
清屬我私不分長隨人俯仰願教能與世推移宅邊柳樹籬邊
菊何似沿江采芷離

試問堂前桂八首和陶適齋

試問堂前桂何年涉沅湘不辭行地遠直爲破天荒葉潤三冬
翠花敷七寶香休教書共蠹苦愛卷披黃

顧雙溪集

卷六

六

試問堂前桂何來省署中庸憑羣蟲蟻幹欲化虬龍可惜聞香
誤誰爲晚節同河陽盡桃李未屑借春風

試問堂前桂因何傍畫欄人誰愛辛辣爾自耐高寒真豈同薪
積材還作楫看不應桐與竹獨得集鷓鴣

試問堂前桂婆娑蔭幾何交柯分月露清影伴山河折得一枝
早攜來萬斛多空庭任偃蹇幸免惹藤蘿

試問堂前桂緣何誤卜鄰空聞金似粟長看甌生塵靈鷲尋前
果如來識後身淹留待公子森挺對秋旻

試問堂前桂喧卑亦厭無成林猶有待雜樹敢相扶宮殿多閒
地中央得幾株胡然落雲外尙擬映冰壺

試問堂前桂何須位置高山非隱士得句托離騷老氣卽無敵孤根隨所遭姮娥靈藥少任爾滯衡臯

試問堂前桂何年對虎頭

甲戌歲余三至潯浦暑常盪桓樹下

相看疑故舊發興

在林邱遠水日千里涼天正九秋凌霜憶嘉樹遲我廣寒遊

卽事

落葉下高原炊烟起巒嶺宦遊感耐辰悵望漢江永江永自可

方擁幟獨耿耿

禾稼各已登秋初塲圃肅勁風吹青林山角露茅屋憑欄對翠微雲泉貺幽獨

日照東峯晨雲歸西崦夕晨夕空山中淹留意何極桂樹不可

顧雙溪集

卷六

七

攀猿啼楓林黑

送楊子安歸里卽用元韻

世味旣云薄行踪合念歸勞魚方競躍倦鳥竟還飛雅咏猶名士躬耕本布衣公田雖種秫何似北山薇

東道訾文雅如君只合歸雲書看鴻冥星月悵鳥飛一出悔千祿頻年始拂衣華峯蓮十丈未屑采園薇

始發長沙同陶適齋周介夫遊江神廟

發船離星沙弭櫂泊洲沚風生荻花間月墮萍烟裏疎林燈影明古寺鐘聲起竦幽遂款關同心如嘯侶虛堂縱談笑時亦曠名理於焉解塵鞅蕭遜正可喜

津頭見夜市遠火映檣竿烟霧沙際暝空江生暮寒朋情解鬱
陶聯舟共盤桓疇昔向奔馳晨夕不遑餐居賤日趨下積威誰
能于強項古所希折腰斯無難茲夕遂笑傲燭跋忘更闌鳧鷖
各水宿倚枕聽風濤

借陶適齋周介夫遊桃花源

蜿蜒越阡屈曲陟巖麓連岡平楚斷茅舍偶一簇桑柘雖凋
疎原田自膏沃秋中禾黍收山農場圃肅天空石氣青露曉竹
光綠幽徑不逢人經聲應虛谷

泉明嶽寄人胸中有邱壑桃源卽柳宅寫意成高作是中可避

世歷久益穿鑿漫附洞天名轉掩田園樂余豈問津者蕭散想

顧雙溪集

卷六

八

所託俯鑑流泉流仰看落葉落

復得二絕

繞嶺緣坡徑曲斜小橋流水有人家也無桃樹無芳草烏桕丹
楓映曉霞

一路披榛踏葉行亂山深處鳥啼清秋風爲掃石床淨竹下泉
流放琵琶聲

題秋林讀書圖

萬端嗜好皆受損益人神智惟讀書吾生耽書欲成癖殘編穿
穴如蟬魚五車三篋那易盡佳處領要期無餘一行作吏此事
廢簿領日親卷軸疎未消結習頗搜覽時復點注忘朝晡旁人

大笑不能事可憐無補成迂愚誰貽秋林讀書圖晴窗展卷忽
起予桂樹連蜷金粟點楓葉斑斕紅錦敷幽花野草紛細瑣青
泉白石相縈紆圖中宴坐者誰與恐是鄭谷口或爲陶隱居窮
經不妨作遺老著論便合名潛夫何必探羽陵與酉室何必登
金門與石渠秋旻浩蕩白鶴飛煮茗滌硯供清娛宴坐寂照皆
可樂而況秘籍供畋漁可以致君許稷契不爾繕性遊江湖萬
卷破後筆有神等身著述稱鴻儒便覺世間聲色臭味俱嚼蠟
汨沒榮利胡爲乎猗歟羅君真吾徒安得對坐清秋盡高興
前俗物都屏除坐間聞香悟禪悅林下挾策長吟晤賞奇析疑
有妙理欣然會意何時無

顧雙溪集

卷六

九

和陶適齋

經年所結約同心不待招聯舟宿辰陽空谷聞猿號露白江澄
清月明夜寂寥已忘秋氣悲安計郵程遙元言共欣賞鐘鐸相
和調經綸有公等嘯咏須吾曹

驚風排長林涼雨擊虛瓦猶疑乘舸船孤棹絕壁下促坐快論
文酣嬉心共寫滿座無知音同室如曠野君誠落落然乃淡以
成者

書來未開緘擬有緘中詩五言如長城偏師誰破之卯君住高
齋倡酬無厭時天涯忽籜蓋筆陣相驅馳跋扈世欲殺風流今
在茲固知漆園吏還爲後世嗤

濃香挹古桂清陰覆老槐對酒椀小戶涓滴如澠淮讀書兼治
事精悍孰與借焉知弦歌聲中有保赤懷游藝出餘力揮洒亦
復佳看山笏拄頤意欲空朋儕

雜感和適齋韻

年年然竹汲湘江來往行歌學楚狂慣看山中遊鹿豕正棲蒿
下傲鸞鳳率真我自師元亮尊大人應笑子陽同是天涯爲漫
士莫將沈滯問穹蒼

上堂磬折沒階趨纍纍隨行豈有殊挾瑟祗應憐少婦搥牀惟
恐怒嚴姑雕搜空刻三年楮宛轉難穿九曲珠不是奔踈能要
駕故宜局促似轅駒

顧雙溪集

卷六

再和

十一

飽看湘山俯沅江驟然自謂我非狂分無駿足追騏驥欲聽清
聲比鳳凰適齋方將舉子稍聚秘書標酉室每齊吳榜宿辰陽頻年結
契兼師友何必相知盡老蒼

不慣偃僂與走趨歸來匍匐亦懸殊那能爭艷隨三婦已識難
爲事兩姑地上畫圖教作餅天邊落唾看成珠誰知折坂鹽車
下本是當年汗血駒

題張觀察滇南新語後

古今博雅推張華甄綜何止傾五車安世奇材亦莫比默識三
篋無遺差儒生眼光大如豆少見多怪空疑呀不行萬里讀萬

卷囊中醢雞井底蛙桐軒主人嗜風雅古體新句舞滂葩一塵
出守向南詔政清令簡早放衙焚香掃地坐吟嘯兵衛畫戟靜
不譁湖從莊躡始開關爽獠獠糶紛於麻其間山水特奇秀風
土氣候都清嘉岸幘拄笏若無事碧雞金馬窮幽遐形勝俗尚
俱醜糶蟲魚瑣細咸梳肥經年排纂成巨帙五雲章色流元霞
直爲拘固拓胷臆發露寶藏誰疵瑕昔賢好奇逞荒忽每纂山
海編義媧虞初齊諧半附會拾遺紀年多浮誇是書徵實可傳
信明若聚米錐畫沙俗吏回回迷簿領那暇揆藻敷春花主人
讀書能致用揮大手筆旁羅遮文章要自經濟出洽聞殫見誰
津涯子闡玉研側理紙枕中秘笈行增加長篇短記俱入勝追
顧雙溪集

卷六

十一

儷前喆稱名家仰屋著書愧孤陋安得挾槩隨車牙

長至日作

麗譙傳鼓歇幄帳燭光瑩凍鵲霜千樹鳴雞月半城瞻天靈覺
遠向日自微誠五載銅章吏優閒負聖明

寒夜獨坐用適齋原韻却寄

騷騷風逾勁箴箴葉如積瓶瓦吹細響書燈出窗隙閒身得蕭
遜抗心在古昔墮鹿悟前夢磨牛尙陳跡逝日何鼎鼎過人殊

絡繹

同心而離居惠好常同行行復異道相望各專城知己不易
得旣得難合并高懷自吐茹蘊結孰與傾不了百年役誰希身

後名

君是彭澤孫天機最清妙居然耐岑寂未屑據津要且復問狐
狸明察服蠻獠我來五寒暑山月幾盈眺駿足安可追濡滯或
同調

浮萍寧有根飛花本無蒂因風吹聚之忽散亦何害永懷君子
交霜雪自不奈豈其蕙與蘭而爲此蕭艾故惟素心人孤抱寄
塵外

己卯

首春行縣北椰木溪諸村

郭外卽崇山綫纒得微路曲折沿清溪褰裳乃可渡露濕青楓

顧雙溪集

卷六

十一

林風吹白楊樹盡日少行人寂歷似墟墓焦原堪側足仄徑無
高步迷陽復迷陽已過頻回顧千林匝春陰萬壑冒嵐霧谷幽
日出遲野潤如欲雨登頓雖云勞寓目轉成趣于役緣民事焉
敢畏盤互

寄適齋

春陰罨遙岑飛雨度虛閣想抱無絃琴風床杏花落

謂齋弟臨別作詩送之

懷寶非無價成名亦俟時文應有光氣道貴不磷緇春水平蒲
葉風拂柳枝暫教疎定省好語慰親慈

縱道歸家樂臨岐亦惘然行吟湘楚地把別暮春天子久辭鄉

邑憑君省墓田因之問親友契濶已頻年

君去苦迢遙吾居更寂寥清秋長有待伏暑最無聊芳渚攀蘅

杜新詞著翠茗

謬齋所作詞名翠茗詞

南雲寄離思悵望木蘭橋

赴辰州舟中作

年來聽足連江雨此日晴明水不波底用鳴鞞驚疊嶂蛙成鼓

吹鳥龍歌

宿麥秋時雨乍晴翠嵐濃淡綠陰清棹樓晚飯篙師卧十里中

流自在行

細草新蒲夾澗生密林深處雜花明亂流經緯山田濕西崦東

臯各耦耕

顧雙溪集

卷六

十三

十幅蒲帆不用渠停橈枉渚興蕭疎村民久識瀘溪令笑指蓬

窗滿几書

辰州寓館懷適齋

石磴絡蘿薜土墻蔓蒿蓬急漏竹瀉雨虛濤松翻風茅廬間湫

隘曾來息微躬古磚堵壤榻破紙糊疎櫳山色到枕邊淙流經

座中記與彭澤孫清坐看羣峯散快或瑩疑發義欣擊蒙近厭

府中趨放衙坐從容而余托舊館晨夕誰相同林泉貺客舍風

騷歸寓公如何暫參差未得隨雲龍獨傾茗椀綠靜對書燈紅

所懷已知遠豈謂無過從

五日

吳儂游宦來三楚六年五日居江滸時雨初過天氣清武水拖
藍漪澱平闐然伐鼓中流半盡日靈旗風不斷忽聞左右分鶴
鷺急槩飛橈如擲梭船舷憂影青山動掉尾撇波時一縱誰歌
楚些與招魂拍手纔成鄒魯聞人生大節惟忠孝汨羅得所何
須弔政宜痛飲讀離騷盡抒哀怨爲歡笑習俗沿訛誰是非鋪
帆龍舟又一時水犀競說錢塘弩奪標又見金明池獨有牧之
偏澹蕩十年載酒江湖上水嬉正好訪傾城尋春已晚增惆悵
羌余信宿駐辰陽榴花艾葉對蒲觴却憶芙蓉湖名開鏡水畫船
羅綺明新粧寂寞繁華兩無着睡起斜陽照簾幙樓前翠羽明
新疇閩閩歌吹知民樂

顧雙溪集

卷六

西

夏五卽事

清波抱邑里連山擁縣城官齋卽幽居拙養謝塵纓柔桑落紫
椹安榴綻紅莢時復理蔬壤植竹樹豆棚代耕匪不足學圃姑
小成要識菜根味盍希拔葵名

遠峯生虛烟晴色養空翠氤氳有無間竹樹皆秀氣誰能相攬
結卧遊愜幽意木末聞馨聲未知何處寺

田家視物候不敢違天時夏初稍欠雨時秧常恐遲膏澤忍滂
沛權呼向東菑農事日以殷訟牒日以稀豈無雀鼠爭乾餼愆
亦微奈何舍穡事乃悉縱遣之吏閒民益樂掩閣誦吾詩

白雲起前山涼風先雨至虛堂枕席清蕭爽失炎熾登樓望遠

疇芄芄黍苗概惡草時自芟孤花亦勤蒔卽此蓬幽屏靜勝時
物累未信烹小鮮誰希躡高位

微月流清輝明河帶高樹蟋蟀先秋吟徑草濕濃露獨坐儔侶
稀寂莫亦成趣自省樗散材豈有棟梁具一編兔園冊漫擬經
世務脩名旣不立冉冉歲華度依違戀棧豆盍免誚蝸蠹沉吟
復沉吟於誰鬯情索

次適齋韻

芳草已云歇陰夏木清雲扶石根起虹挂雨邊明竟日科頭
坐無寶側履迎訟庭常寂寂不信是專城

沅水斜縈郭盧峯屹面城獨知無事樂那作不平鳴榮譽歸時

顧雙溪集

卷六

十五

彥冲虛識養生時還羨寥廓千仞看焦明

萍梗雖無定孤根已歷年紛然變枯苑大抵似雲烟獨退方言
命多援偶勝天何如著書客日仰屋梁眠

雨過陂塘令陰沉似早秋古塙綠蜥蜴壞冢嘯鶴鷗晏坐爲行
樂披圖卽卧遊閒中風景在觸熱得同不

題激紙寄陶適齋

白如疊素雪瑩如鋪清冰激江之紙最練潔擣欲過剡溪藤
我初買得千餘幅頗棄纖羅與輕縠大書不中作壁窠小草未
堪裁尺牘時人求索何所爲障蠅裏鮓誰惜之乃有小兒強解
事欲充方物陳軒墀我友適齋不阿媚強項坐失監司任意教

白壁點青蠅肯令官民並貽累君謨貢龍圖君子尙咨嗟奈何
鑿空競羅致披沙鎚石相矜誇此紙尙出松牋下不似雲藍索
高價正於無佛處稱尊赫蹏片片光新硯官紙肥厚徒取盈一
概相量非公評尋常本色得佳處故知士不妄有名我爲好時
侯平亭庶幾允束筭豈與苞苴同覓致竟須煩大尹寫書罪過
亦風流好備臨池縮蛇蚓

行溪上歷諸村舍

肩輿登頹度山巔踏破峯雲與澗煙雲盡烟消奇絕處晴嵐萬
疊翠撐天

雞柵牛宮野老家竹椽欹側櫛籬斜門前青草無人徑帶露幾

顧雙溪集

卷六

六

株龍爪花

己卯七月分校赴長沙

敢副明時籲俊心又隨科詔預文林最難剖石求全璧莫厭披
砂揀碎金甘載虛名仍落拓昔年僚友異升沉宦途聚散知無
定陳跡何須獨再尋

舟中

兼程豈爲簡書催帆穩船輕亦快哉急峽怒翻秋雪下亂峯爭
擁夕陽來篷窗映水開書帙瓦餽烹泉當酒杯幾日蕭閒離簿
領清流端不起塵埃

扁舟

扁舟東下若輕鴻萬壑千巖在眼中鼓棹安流行自在不須借
助一帆風

待陶適齋不至

簾揚在前嘲糠粃小兒疾走東坡噓與君沿牒其期會緣恃風
約翻愆期我行如賈胡處處還留稽安流澹容與問君來何遲
來帆去艣不知數引脰迴望空相思君本嶽寄厯落人近乃數
困斗與箕縱橫心兵出語竅益令赤舌譁陰機吾曹方寸少城
府清明要使奴隸知此中空洞本無物誰能乘危抵險讖孔雀
飲泉逢抵觸漫以風影成猜疑謾調止足一笑粲焉能與我生
瑕疵長書苦未悉願一快吐之良會忽相左先後成參差船尾
顧雙溪集

卷六

七

風浙浙船頭雨絲絲突兀又過三艾磯苦憶聯舫高談時

試院有懷丙子分校諸友

岳山湘水有前期鎖院重來亦自疑
羸我頭銜如昔日即今聯席半
新知初涼偏感秋風客獨坐空吟
舊雨詩無限升沉與離合那教素髮
不成絲

丙子分校九
人余獨再預

分賦題糕送侍御胡衣庵省覲歸里

碧羅一幅湘江流中有蘭棹沙棠舟
問君何不稍容與行旌遊發雙文駟
君歸上堂拜嘉慶楚天雲雨開清秋
前賢題詩愛光景載酒題詩恣遨遊
子京纔能識糕字氣欲壓倒中山劉
何如皇華照龍節菊酒激艷金樽浮
勿誇車前八騶擁閭里駭羨君

所差移孝作忠本庭訓得士爲國非身謀卽今英俊盡羅收不
負額俊勤旁求輕軒迎養毋稽留趨還北闕揚王休

消夏詩爲吳古心作

輶轡汲寒井浣此百尺材翠濡疏雨滴清新曉露纔塵埃既淨
拭棲鳳何當來

洗桐

此君本簡貴余亦尙清省碧鮮雖可愛稍稍剪旁挺今宵月中
庭應減數竿影

刪竹

微風偶披翻疏雨時作止道心本湛然天籟靜中起聲喧不碍
寂清聽洗俗耳

聽蕉

綠葉兮紫莖他時綴爲佩清泉激餘潤小立幽香在固知蕙露

顧雙溪集

卷六

六

滋未肯被蕭艾

灌蘭

方塘剛半畝宛有江湖趣浮沉既忘機撇掉若奔赴非魚乃知

魚誰其濠上悟

觀魚

主人清如鶴鶴料固能營腥腐知所厭雞匹誰能爭隨時慎飲

啄毋爲同人鳴

飼鶴

夏簟敷廣廷一曲串歌成擊節調新句停觴正換聲風流正爾

爾詎減英雄名

顧曲

然竹汲清湘新淪仙人掌氣蒸春雨潤聲帶松風爽淡白益爲

佳色味有孤賞

烹茶

看畫如讀書圖中故有史氣韻非力到萬卷在筆底未解無聲

詩煙雲過眼耳

讀書

不思東頭飲不學北窗臥疏簾清簟間無事此靜坐閉門得清

涼止觀非禪課

跌坐

自長沙回瀘谿道中雜詩

沿谿開竹屋牽蔓覆柴門水市魚蝦賤山田芋粟繁吹笳津樹
過爭筏渡頭喧大有僮荒意見童盡楚言

湖波澹不流潦盡獻沙洲掠水飛魚虎緣堤守土牛孤村不成
市敗屋宛如舟絕類淮陰道蕭涼記昔遊

已卯十月余移官桑植將去瀘溪學諭費履齋明經李鯨
來皆有詩惜別詩以答之

顧雙溪集

卷六

九

爲貧不擇仕淹留及今茲本乏廊廟器徒抱麋鹿姿地僻靜者
便樸俗良易治竊祿微天幸舉家荷 皇慈濟濟經綸材要劇
展設施繁余獨株守下考理則宜積貧取常調邊夷寄撫綏邑
人多古風眷眷不忍辭余拙民所安民愚余所知別之豈無情
六載相腓衣同官得費子儒雅真吾師李君亦嗜古包蒙困羣
兒文墨有因緣倡酬間相貽慨然念離別百朋錫新詩宦轍等
轉蓬飄颻隨風吹行入山深幽偏只自怡他時通尺素遠道
綿綿思願言敦素履千里同心期

赴永順口占

身在萬山中更入山深去夙世是山僧到處山留住

附辰州寓館陳尉汝璧爲誦雙溪詩云云聞之慨然因次
其韻

南城陶金諧

我從江上來君入山中去江上好谿山恨不留君住

顧雙溪集

卷六

三

共坐石上來昔入山中去山士竝爲山樹不留君住

其韻

陶金諧

顧雙溪集 詩七

錫山顧奎光星五著

庚辰

寄適齋

判袂清秋日遷延又仲春踴涼應我輩真率見斯人淑水謳歌

久瀘江氣象新

余去瀘後
兩易新令

回思舊遊地岑寂欲傷神

夙以文章合兼緣臭味同素心從所尙拙政豈無功共畏神鋒

倘應思道氣冲毋爲朱伯厚疾惡但如風

擇祿難爲仕移官祇信天殊方頻轉徙盛歲易徂遷敢說鹽車

絆誰爭要路先清時無補益陳力亦防邊

顧雙溪集

卷七

天地自空濶高飛乏羽翰已能安異俗未敢諂粗官野徑春光

滿連峯翠色寒舊游頻夢到應作武溪看

宿涼水口

月上萬峯明風過露華冷疎籬隔書聲空院卧花影胸中邱壑

趣佳處視所領登頓雖小疲暫憇得吾靜

上巳

定巢新燕語呢喃細雨輕陰三月三自寫蘭亭脩禊帖鶯花如

夢憶江南

雜詩

烟霞不入囊鸞鳳不入籠如何淡蕩士局趣塵埃中塵埃本不

起簸揚由飄風野馬自無心升降於虛空

置吏本爲民大小各有政云何曠官守僕僕事趨競馳驅敢憚
勞轉恐爲民病豈無明禁在從意不從令可惜車下拜望塵以
爲敬

重至辰州舊館

輒紅塵裡暫偷閒閒看桐陰映北山最愛故交情話好東頭聊

欲借三間

時坐陳尉汝
壁雲綺軒

嶺出城坊路不迷經行猶記巷東西虎谿龍井題名處只算飛
鴻踏雪泥

休論勲業與行藏六載分符近夜郎回首蠻煙千嶂裏猶聞畏

顧雙溪集

卷七

壘祝庚桑

瀘谿土民間余至
來謁慰遣乃去

憶弟

不有離羣歎寧知舊會懽空齋獨眠夜微雨似秋寒近復音書
少頻愁道路難參差各異地分合太無端

寄陶適齋

獨旅淒涼夢未成香消鐘定欲三更無聊頻剪西窗燭遍聽都
非舊雨聲

山行

夢想不到處崎嶇復此行才華從蕩落吏隱未分明高樹縈危
棧連峯斷駟程相逢見野老讓席竟爲榮

午日生微暑山風旋作涼
稻田分白黑瓜架半青黃
野迳隨村起茅柴等樹長
肩輿屢登頓最畏陟高岡

長谷蜿蜒盡峯根
幣一門舟橫秋水渡
人聚夕陽村
歸鳥鳴喬木寒蛩語
壤垣深山太荒寂
何處覓桃源

萬壑夜沉沉茅堂雨氣深
螢光度篔簹竹鬼火出楓林
暝色催歸騎秋聲減壯心神
傷轉幽獨塵事苦侵尋

宿冷水舖風雨淒然懷適齋及舍弟不得成寐作長句寄

適齋

空山獨夜孤村暝落葉蕭騷風稍勁
漫天雨脚散不收曠野蟲聲起
相應此時枯坐忽懷人縮地無緣來
合併與君俱不習爲

顧雙溪集

卷七

二二

吏墮落風塵詎非命上車不落卽著作
忽然垂翅誰能競盧江激浦葦杭之一見
傾心交已定爾時余季亦追陪
武陵唱和才華盛共書金石相春
撞險韻何愁押競病屢分清俸買圖書
史雲那顧塵生甑高談雄辨欲驚筵
對床夜雨曾同聽自隨常調赴崇川
政似推排入深窞而君蹤跡亦孤危
誰肯情親空貌敬從茲悵望積離愁
豐芷沅蘭減吟興蒼闈睽隔定省疏
鶴原迢遞關山篔折腰日向鄉里兒
不羞牛後兼魚媵况復生辰困斗箕
赤日燒城瓶水勝細思招尤亦有故
毋乃心疏與骨硬暮春子役到辰陽
空惚晤語時難更俗塵何啻三斗餘
那得聰明冰雪淨平生圭角百磨礪
坐爲榮名喪眞性銅章墨綬不稱意思

把長鑱白木柄相期砥節守清白桃李終輪松柏正夙昔聯舟
泊湘水於今孤策凌梯磴愛而不見心煩勞濃濃寒氣昏燈檠
詠懷

飄飄轉蓬飛倏忽隙駒度青袍尙如草元鬢忽已素春秋有代
序宵旦分新故祗有功名人未屑嘆遲暮

夙昔明任運升沉恒信天緣木終虛求守株或希遷牆上難爲
趨捷足方爭先靈憂千夫指且稱一時賢明鏡不照心誰能別
媿妍

庚辰十月二十六日得家書寄弟

說歸何日是眞歸白水青山列障闌猶喜烹魚消息到便教化

顧雙溪集

卷七

四

蝶夢魂飛連床軟語期雖遠翦燭聯吟願不違碌碌未妨居膝

下免勞手線更縫衣

得書後夜夢
與曜七共語

懷曜七弟

秋山搖落氣蕭森憶弟思家百感侵善惡未能諧世好修琴豈
爲覓知音雲霄自有梯天術邊微空懷縮地心吳楚相望四千里
不堪眺遠更登臨

永順道中春色爛然有感

湖南清絕好谿山着我荒茅篔簹竹間祗是東君最公道也分春
色到榛菅

天邊一抹遠山眉學得纖腰有柳枝日向簿書堆裏過如何惆

悵怨芳時

橫坡倒徑石岙砑活活清谿一道斜舞蝶遊蜂相趁去菜畦黃處是人家

野火燒餘草色新蕭疎花竹也宜人此行不爲尋芳去孤負空

山寂寞春

濛濛宿雨濕朝煙黯淡輕陰二月天枯木寒巖儘蕭瑟濃華端的爲誰妍

一村花柳數聲雞行過山南復水西絳雪繁香半零落丁窻鵲鵝莫荒啼

尋丈官寮背女牆遠峯當面盡疏篁河陽恨少栽花地省識春

顧雙溪集

卷七

五

風畫海棠

桑習最逼仄無遊憩之所余坐室纒數椽壁枯海棠一幅而已

蠻府風光造次尋一時紅紫滿山陰也無歌舞無車馬付與吳兒木石心

名花美酒不銷愁空憶芳辰選勝遊巢燕無情鶯懶語厭聽雲木叫鉤輞

蜀山茶具惠山泉半里河塘泊畫船一別江南如夢寐水濱木末百年年

江左繁華舊有名每逢佳麗亦關情近來潦到風塵裏愧與鶯花作主盟

領畧韶光一晌過繁枝低亞滿陂陀中年離別傷懷抱暈雪蒸

霞奈爾何

卽事有作

青山橫郭門白水經城下楚澤蕭艾多香草不盈把滋蘭復樹蕙將以遺遠者江漢路修長離思浩難寫

春心久鬱陶登樓聊騁望羣峯塞天地崢嶸失空曠峻流奔平沙梯田疊側嶂鳥雀飛檻底牛羊出人上亮無朋簪歡靜對轉慨慷安得見吳門正練遙可狀

時節屢廻換骨肉久睽隔登高望親舍惟見白雲飛兒女滿我前眷然念庭闈家有甥與姪稍足娛含飴願言加餐食差慰遊子思

顧雙溪集

卷七

六

久別語家常勝似讀異書思君忽惠來潘揚戚非疎爲詢數年中風景近何如晨星慨者舊墜雨念相於况復經隔并榮悴在須臾遷流轉坂丸事事非曩初茲地僻且阻縣邑同村墟軟語

慰寥寂酌醴燔枯魚

楊二雅度至

晚晚三春餘迢遙千里道懷君輒成夢何必吟池草下帷久著書未若城闕好琅玕欲披陳載寶苦不早

憶弟

貴賤雖異趨等是饑驅之未能薄五斗折腰固其宜夙昔懷遠志浩然有所期展轉墮塵海泯泯從喧卑詭隨旣未可激昂復

奚爲

昌黎令陽山子厚刺柳州咸以譴責故怵惕畏愆尤旣負述作

才兼得山水幽爲邦逮寬政因何怨羈囚今逢聖明朝聲教訖
荒陬萬里猶戶庭不憂路阻修文藻仰前喆誰能煥皇猷政理
亦已拙瑣屑爲身謀知分息趨競耐事容嘲啁纔能抱鉛槧津
要將焉求

炎蒸願涼令陰寒祈晴溫順此下民意不言造化恩楚南首夏
時淋漓雨傾盆萬壑奔懸流軒然洪波翻田家荷豐澤餘潤及
林園所懼徧坡陀漂沙洗孤根因爲愁霖唱翼見扶桑瞰驟雨
不終日吾聞老氏言

久雨

雨歇快晚晴遙岑露寸碧斜陽照濕瓦鶻聲如裂帛行潦猶競
流簷鬣方餘滴坐待卷纖雲新蟾媚清夕

顧雙溪集

卷七

七

文章固大業祿位未可輕登高順風呼居然起大名忍饑誦經
人仰屋著書士辛苦雕肝腎覆瓿而已矣

百川各爭流流波混清渾不觀滄海大詎識黃河源羣書如束
筍瓊璋復連抃先當別黑白方能定一尊舉首闔闔奧涉足窺
籬樊自守所知見詆訐何紛繁修詞有根柢傳道不可誑津迨
固已難誰與細討論

山靜正長日偶然如隱淪有時紛囂來復與簿領親久宦閱人
多委瑣難具陳蟠木乏先容幽谷少通津存身善用蟄屈夔非
不伸君觀壺中天塊莽亦無垠

迅流勝峭帆廿里纔一霎橫過若投梭直下乃出峽舟師諳水
勢旋折皆有法殷雷噴雪中巧避石腳插斗落千丈強迴閃分
寸恰大溶方奔騰舟人謂中流爲大容餘波尚呀呷衣袂終日戒離弱未
可狎詎比乘安流容與泛清雪

泊辰州與陶適齋晤越日別去

夜寂青天空白露滿江介明月光徘徊適與清風會
沅山何其高湘水何其深動靜異理趣窈窕同清音
谷中生蕙蘭澤畔多蘅芷馨香遠相合芳互延伫
翩翩兩黃鵠塵空無匹儔豈乏鳧與雁要非心所求
裊裊垂揚長萋萋芳草短但惜會時難不憂別路遠

顧雙溪集

卷七

八

天星湖夜泊苦熱起坐至旦

波晶晶露潑潑千頃萬頃涵空青蘭草宿沙鳥蘼薄過流螢幽
人不眠夜起坐仰見銀漢斜傾珠斗墮沉沉天籟汎碧潯如聞
帝女鼓瑟湘君琴雲鬢玉珮遠縹緲瘦蛟歌舞雌龍吟此時直
覺空濛瀕洞之灑氣瀉入飲冰沃雪之冲襟胡爲乎冲黃沙追
暘日馮虛排空竟無術誰道君身有仙骨竭來坐此一片瀟湘
天涼風蘋末吹冷然湖光欲曙尚未曙水滴殘月猶娟娟扣舷
遲聽曉漁過烏尾數聲刺煙破

阻風麻河

破浪哨帆懸勢與激箭似快意不可極遭迴泊河湊洪濶方浩

然得岸且休矣渚冥宿鳧鷖沙平颭蒲葦三戶亦成村一閨暫
爲市勞人聽雨眠舟子候風起白霧罨船窗暗濤打船尾遠火
如孤星夜漁釣秋水

曉發

涼意起淥水清暉開曉山微明浮鏡彩皎潔浣塵顏太息風波
外羣鷗如此閒

踰小溪入桑植境

陟岡度嶺盡崢嶸纔得孤村近小城新水滿陂雙鷺影夕陽半
樹萬蟬聲秋生白石涼應早路入青雲險未平如此荒茅篔簹
裡也緣微祿戀塵纓

顧雙溪集

卷七

九

辛巳六月赴長沙道中雜詩

大廈無陰憩長途何所之陸行方登頓舟楫轉逶遲

山中日日行不信有平地何處非羊腸迷陽亦可畏

過承順
牛路河

溪山無俗意久別亦關情剪燭篷窗底還聞舊雨聲

次辰陽與
陶適齋費

履齋

共話

新知樂莫樂何似故交好經歲復來過故交日以少

落日山生煙蟬聲滿楊柳樵爨倚灘舟兩兩出谿口

泊馬
王谿

頻過桃源路誰來更問津不容高尚士太守是何人

水漲沒圩堤平陸成湖汭微青辨蘆洲浮笠認茅舍

武陵諸
縣被水

蕩槩入菰蒲平沉惜禾黍村人陸居船深夜泣兒女

圩戶茆屋
俱漂皆牽

佛岸
上住

蕭艾爭青青原難辨蘭芷何用讀離騷投書吊湘水

士行有賢孫並載隱逸傳陶淡及靖節皆侃後當時督八州何如彭澤縣

舟子知雲氣偃風泊水頻縱教歸意急行止總隨人

水遠覺天低浩然連溟滓日午鳥不飛幾葉蒲帆影

凌晨發船去極望但煙波浦澈親經過還知歧路多

鷓鴣羣晒翅好買就船魚秋風知漸起莫說憶蓴鱸

林月纖纖映波星點點疏螢明竹深處蛤吠稻涼初

秉燭看歌舞囊螢照讀書生前身後事勝負問何如澧州前車武子故城

水滌萍香處而今駟僮多當年何大復只賦打漁歌

顧雙溪集

卷七

十一

塵市瞰清流飯包與鹽裏空吟大謝詩躋險披雲卧石門縣

雲臺功不預意苒任羣疑公道須身後梁王復有祠袁中郎詩謝公昨夜

拜梁王梁山神即梁松也

直躋峯巒頂眞行雲霧中盡知履舄底人影似沙蟲

草長石齒齒亭午未逢人雉堞山凹裏孤城畧似村

直須冰雪抱可以禦朱炎風月兼山水收羅太不廉

喜楊雍度妹丈至

桑邑古崇山天下之窮處荒茅篔簹竹間寂寞寡徒侶默默但寢

飯鬱伊誰與語喜君發東吳鼓柂適南楚契濶念日長間關畏

途阻合并在茲夕悲歡非一緒蹙然足音聞端然慰延仁

憶昔分袂初執手詠河梁誓哲九年中長者忽已亡豈惟耆舊
稀同輩間凋喪秋蒂隨零落浮雲尙飄揚棘人何樂樂越此關
路長寧不惜長路饑驅那可當暗暗風雨夕明明燈燭光各言
兒女大互看顏色蒼更闕接軟語懷舊增慨慷

余自癸酉至湖南訖今辛巳姑

丈端操賢姑母借遊戚友如楊

二鶴冲周二捧齋亦相繼沒

孤抱難爲歡離居坐成病昨春別慈顏經歲疏溫清看雲更憶
弟聽雨念聯咏苦望消息來浮沉失芳訊忽得平安書宛如拜
嘉慶親懿接蘭言披爽卽袪吝嗔余戀五斗塵鞅減清興願言
相因依無爲歎幽屏

君才日老成濫竽多新篇寧以衣食故而捐壯盛年近經憂患

顧雙溪集

卷七

十一

餘骨力增貞堅識進閱歷後防知悔吝先端居生計薄遠遊客
心懸丈夫四方志豈必守述遭入洛攬冠帶涉湘采蓀荃六月
可暫息矯翮終騰鸞

辛巳秋雍度妹丈將之激浦赴陶四適齋之約以詩留別

和韻

良晤豈不樂饑驅將奈何壯年輕遠役歧路莫悲歌澤畔芳蘭
少山中涼露多孤游自珍愛辛苦越關河

君來慰岑寂吟和勝羊何復有登樓賦應非彈鋏歌地偏風景
異客久世情多此去齊吳榜相望隔九河

題吳侍讀雲巖詩後

君才浩瀚無厓垠，洪河鉅海波瀾翻。其中泥沙土石盡淘汰，却如勁濟貫百竇。一線千尺深淵淪，長篇風格老瓌偉。而連汴短句麗藻何鮮新，讀書醞釀精液祇覺清。英秀采浮氣氲憶昨，旅食京華春唱名。注闕趨天門，見君軒然鶴立羣。衆中揖我通殷勤，未嘗識面久。心許交道實，藉文章神邸第往還若比隣。流連話別開清樽，惜我踈踈走風塵。七年作吏廬江濱，朝符暮檄徒紛紜。天機汨沒靈根涇，偶然勞歌自吟呻。迴望閩闔高蓬瀛，忽喜旌節飄纒繙。持玉界尺來衡文，維楚有材待君掄。山有榘楠，杞梓栝柏，椈澤有澧蘭，沅芷莖與蓀。衡湘奇秀天下聞，牢籠搜滌出醜齷。登臨題咏留墨痕，而君胸中不帶芥。久已雲夢八

顧雙溪集

卷七

十一

九吞今夕何夕，共討論論文話。舊顏色溫知君，不作給事陳陳。量淵懿誰比倫，要以德度施陶甄。風雅代起合有人，酌斟百氏羅羣言。匪惟摭華尋厥奎也，素未窺籬樊。乘槎思沂崑崙原，快哉玉堂揮翰手。示我述作醅乎醅，汗流氣索不自愧。祇有把卷循環，誰誦當秋旻。

壬午

行洪家關道中

端居苦無惊，適野卽行樂。分符山縣中，日涉得邱壑。燒痕漸青，青村煙猶漠。漠春色衝寒來，空翠滿林薄。幽偏雖自怡，尙愧斜川作。

得紀侍御元禕書

故人落落意少可正似長松節礪柯昔時作客太原城我病君貧同坎壈誰知文章熱天炤瑟縮依人附殘火對床接席語蟬聯餘味津津炙轂輟別來踪跡各參差離緒纏綿蠶自裏苦恨京華暫相見翻然便鼓湘江柁君登臺省司激揚我墮風塵久鬼瑣翻手作雲覆手雨燥濕推移亦頗頗喜有同心訂歲寒千里馳驅不忘我官職聲名今人手但祝析薪能身荷耦耕築室有前盟著書仰屋何時果

辛巳秋秦禮部大樽奉使過湖南有詩見簡賦此寄答

岩堯層城阿岑寂蒼山曲林聲積隕黃苔痕蔓寒綠齋居散羣

顧雙溪集

卷七

十三

吏曠望絕來躅尺素遠寄將華箋慰幽獨煌煌使星明持節莫南服前旌耀龍文輶車轉丹轂不惜行倭遲緬然念空谷空谷足音稀覩交久落穆君能惠前綬古道空流俗報之無瓊瑤祗喜落珠玉

吏道尊幹局讀書固迂疎况乃嬾放甚不能勤讀書僂僂營寸祿守株無遠圖申章謬見推得毋見故吾南宮青瑣郎佩玉鏘瓊琚雅羞裘馬豪獨敦文史娛皇華照原隰四牡暫踟躕方占使星入更貽雙鯉魚慙無河東賦空然感吹噓

大樽寄兩絕句其二章云紛紛

冠蓋滿京華裘馬輕肥自一家誰念讀書山縣裏蕭然遺却買長沙次首蓋答其意

寄晴沙弟

漠漠煙光溼翠苔，撲燈過後又花朝。
落梅無意紫粧額，垂柳偏工逞舞腰。
屢氣成樓噓白晝，槐陰縱獵遣清宵。
蟄雷動處陽和遍，尚有幽崖雪未消。

深竹高梧相映清，梨花獨發更分明。
雀喧鳩鬧原無謂，蝶戲蜂遊各有情。
淡泞天含山翠嫩，冲融風約浪紋輕。
如何春物方駘蕩，懶得雙柑斗酒行。

迢迢芳草徑橫斜，瞥見深村滿杏花。
正憶故山多笋蕨，曉來新水足魚蝦。
翻翻舊札增鄉思，檢點詩篇管歲華。
久矣天涯淪落慣，青衫無事泣琵琶。

旅興鄉愁不自持，盈盈脉脉寄相思。
莫將哀怨吟蘭草，愧費才情和竹枝。
月下莢香空悵望，夢中傳筆總然疑。
十年隔別繁華景，一任茶煙颺鬢絲。

顧雙溪集

卷七

四

江南佳麗近如何，遠郭亭臺綺繡閣。
千家開粉黛，畫船十里接笙歌。
一般風月關情甚，是處鶯花得氣多。
莫說緬蘭堪作佩，涔陽極浦怨蹉跎。

家住瀟湘東復東，時將芳訊歸鴻卽看聞。
苑如天上未信銀河有水通，樓閣側寒常暮雨，簾櫳新暖復顛風。
而今身是沾泥絮，不恨應官類轉蓬。

澧水清波逝不回，荷衣蕙帶若爲裁。
年華辭我堂堂去，愁思尋人宛宛來。
北里笙歌尊少俊，西園冠蓋擁時才。
誰知掃地焚香

坐寂寞心同蠟炬灰

膩旨妍詞賦冶春莫拋心力作詞人新除烜赫兼清要

弟補循史計入

臺陳跡盤旋似隱淪祇有瑣言撼北夢每懷勝事說西神他年

若踐歸山約好引清流洗鞵塵

弟寄望江南詞甚工聞之輒有放園之思

端陽景物絕句

繭虎

作繭不抽絲何妨猛于虎翻令閨閣中山君更交午

釵符

縈繞三元篆參差五嶽圖但書如律令兒女解分符

艾人

顧雙溪集

卷七

十五

不作盈腰服翻教居上頭么麼還具體艾氣詎知羞

黃梅

五月梅子黃垂垂香滿樹苦心調酸醜用汝作霖雨

寄陶揮五

盈盈一水間而隔千里道同心久參商何由共傾倒曠昔懷逸

姿相期拾瑤草終爲稻梁謀翻飛苦不早空齋落簷花離情等

風薰頗欲解鞵鞅世事轉苛憍憶自違清言余亦倦幽討誰云

尺素書足以送懷抱

午日寄楊雍度妹丈於盧峯書院

昨年五月五喜君來澧浦今年榴花紅憶君住盧峯盧峯學舍

何軒厥絳帳高褰對朝爽君方年少擁皋比說經鏗鏗爲人師
已見生徒爭問字况兼賢主最能詩欲消愁尋五柳揀葉棕莛
蒲酒挾麩齋素問方言端陽大小君知否

漱浦以五月十五日
爲大端陽五日爲小

陽端

午日微雨獨坐有作

清露濕幽蘭涼雨冷芳芷嘉辰坐寥闋新詞寫綿紙無暇悲騷
人且可賦山鬼

晴日驕羅綺薰風雜管絃遙思行樂地翻感別離年
萼芳無處所惆悵杜樊川

徐念齋前輩書來訊予近况兼索新作因成六章寄答

顧雙溪集

卷七

六

丹崖粉堞並嵯峩
峩衙院蕭蕭帶薜蘿
衣上緇塵清致減
領邊華髮客愁多
孤花隱石非無豔
古井生潮定不波
差喜得閑消
白日罕逢熱客枉經過

登高無伴獨徘徊
徧長望江南首重回
飛鳥成鳧還被網
坳堂積水總膠杯
荳花棚底微徵月
楸樹庭前漠漠苔
漫說懷冰霜氣冷
不愁長路觸炎埃

欲賦停雲且復休
偶逢幽景暫稽留
清風驅暑還添健
好雨知時足
解愁遮眼未空文
字障傾身只辨稻
梁謀求田問舍皆豪傑
莫道元龍百尺樓

灘聲嵐影繞簾櫳
掃地焚香退自公
消遣景光朱墨裡
恢張經

濟簿書中笑談若箇同
吳語暄冷粗能習
楚風解道心安卽是
藥信知頑鈍有奇功

卽用來書中語

因循未得解朝簪
兼隱翻疑共入林
五角六張誰稱意
三平兩滿且安心
見前隍鹿何須訟
往日泥鴻那可尋
岳色湘流記遊在
是曾經處一沉吟

辰陽卧理散仙如
憶昨從容侍起居
雪涸春城行酒夕
香凝燕寢賦詩初一麾
依舊移邊徼
尺素誰能慰澗疎
爲報風流賢太守
虎頭近日亦拋書

六月朔得諤齋弟書

聞道慈闈健平安
得汝書別來兒女大
深憶弟兄孤邊徼
猶羈

顧雙溪集

卷七

七

宦家山未定居
今宵歸夢好
暫遣旅愁除
竊祿成濡滯
離家有歲年
每聽連夜雨
更憶對床眠
任性難諧俗
謀身拙信天
寧知折腰後
種秫尙無田

方竹杖歌

寧可食無肉不可居無竹
我思遶屋栽新筠
何似隨行拄蒼玉
渭川千畝篔簹谷
萬竿森然觸目青
琅玕虛心通中無
不可正直頗與時宜
左故教孫枝出地便
圓通宛轉因人學
婀娜偶從湘山瀟水之
中央挺出老幹何端
方疏疏枝葉獨修整
稜稜骨節彌堅剛
采之製爲杖鏗如金石
響匪無天台山中萬歲
藤蚘蚪欲作蛟龍騰
嫌其支離不屑就繩墨
正似曲木作几難依憑
此

君懷方常嶽嶽矩範天成謝鑄鑿提攜徑合上觚稜磨礪正要
留圭角孤根忍受俗目嗤楷模獨許端人知氣嚴性正而目古
扶衰能起顛能持辟疆園中最瀟灑詎有幽莖如此者主人若
愛斫清光四面堪將楚詞寫穿樹過苔得力多好等名勝入煙
蘿慎毋留付院僧不解事規而漆之奈杖何

秋荷

翠蓋紅衣乍怯霜漸看蕭颯落寒塘青蘋尙愛沾殘粉白鷺還
貪宿冷香漢女歸來齊解佩江妃老去更專房風清月曉無人
候着意低徊惜晚粧

十四夜月

顧雙溪集

卷七

六

滅燭坐遙夜虛堂生晚涼風林聾帶雨月砌色凝霜正雨愛佳
節因之感越鄉徘徊照幽獨未忍負清光

斜月

斜月半牕牖冷然幽夢醒空山人籟靜惟有夜猿鳴
閑階露草明靜院風枝語辛苦獨秋蟲深宵弄機��

顧雙溪集 詩八

錫山顧奎光星五著

壬午

觀傀儡

一髮全身動悲歡若有知空行常絕跡垂手任懸絲直欲呼優
孟何須怒偃師果能工俛仰木偶亦乘時

不費侏儒粟居然比浩倡閒來惟挂壁用我也登場隔幙歌喉
轉當筵舞袖長衣冠皆幻質何必笑郎當

庭菊

采采黃金花秋來有佳色蕭然隱逸姿不必過修飾瘦莖碎葉

顧雙溪集

卷八

整復斜砌下闌邊相映遮清疏合遶幽人徑兀傲偏宜處士家
白英紫艷檀香重風拂清芬暗浮動縱使人非彭澤高此花却
是東籬種我懷靖節翁出處不草草一生常任真稱心卽爲好
采花酌酒便悠然此中自有羲皇天千古無人會真意見山采
菊皆言詮人生萬事苦羈束忍狗榮名飾邊幅白玉堂中鸚鵡
螺政恐花神笑人俗

秋懷

森森青楓林今成黃葉路亮無松柏心那能耐霜露榮落不自
主奄忽歲華度安得塵中人鬢髮不改素

端居苦不樂命駕適遙野幽幽石徑斜汨汨寒泉瀉萬壑俱變

衰顏色孰非假枝葉一刪除邱壑更瀟灑登臨輒悲秋此意非
達者

山行頗登頓卽次亦少休隨時自憩息足以消煩憂旅館豈必
華疏臆眎林邱夜深羣動寂洗心適天遊離離珠斗懸穆穆金
波流此景太冷澹胡然久淹留榮華誰不慕運會非人謀笑我
同支離攘臂將焉求

少年勤翰墨竟日常杜門息交謝還在蓬蒿滿中園焉知慨搖
落吟咏窮朝昏胸次了無事浩浩塵涯垠中歲慕祿仕振翻思
飛翻方謂翔雲霄寧期入籠樊汨沒近十載濁滓湮清源但營
兒女累尙負君親恩時序俄復邁馳驅未旋轅寸心縱有託獨

顧雙溪集

卷八

寐誰晤言

野人率真性禮數誠多愆雖復闕世故正得全其天衣食不求
餘巖栖欲終焉未免力作苦迺無外事牽如何乘車子徽纒紛
糾纏純白旣內損智慧增雕鑄持梁刺齒肥豈非時世賢一爲
濯塵纓愧此山中泉

松根有蘭荃松顛有藤蘿蘭荃霑露少藤蘿得風多隱顯由所
託陶鈞任天和馨香豈不遠惜此在巖阿

秋成禾黍熟烏雀田中飛收穫旣已畢復向茅檐歸日夕羣嘲
啾餘粟濟爾饑聚散因口腹誰能分是非

旣無適俗韻與世本自疎况來萬山中經歲逃空虛尙有歲寒

交遠貽尺素書書詞何宛轉念我孱弱軀雲泥跡豈睽關山路
難踰齒髮日已變田園日已蕪舊遊若夢過惆悵情何如

小春行縣卽景成咏

遙青一抹繞晴峯萬樹深黃間淺紅似此秋光真錦繡世情只
解愛春風

三坂圍墻六枳籬幾株烏柏映柴扉籃輿轉下平坡去迴望人
家隔翠微

枯藤乾蘚各蒼然霜後丹楓色獨鮮亭午雞聲村落近竹林深
處起吹煙

風晴日暖野茅香細菊班班簇嫩黃莫道小春無柳絮蘆花也

顧雙溪集

卷八

學雪飛揚

流水琮潺琴筑鳴沿谿宛轉石橋橫年來厯盡崎嶇路愛煞溶

田似掌平

兩山間平
田曰容

飄蕭黃葉滿柴關場圃新除碌碡閒豚栅雞栖都整了更攜樵

斧採寒山

西陌東阡鼓吹過朱陳村舊結絲蘿田家繪得周南化只看男

婚女嫁多

酒熟雞肥喜歲豐冬初暄暖日曛隴蓁蓁腰鼓鳴鳴笛到處叢

祠賽社公

小春上旬風日和煦紅梅已花

河陽無地栽桃李惟有老圃開秋容騷人已餐落英飽更護蘭
蕙培寒叢風顛萬木夜僵立欵華結實支嚴冬六陰正壯戰于
野微陽忽透黃鐘宮嬌花禪卉娜敢受孤根直與天心通元氣
抑塞閉不住迴幹元冥生春風橫枝微拆蓓蕾破素口薄暈胭
脂紅正如蟄龍乘暖起明珠擎爪光熊熊不辭作殿百花底冷
艷獨立羣芳空莫嫌陽和早發洩力足能使冰霜融邊城秋盡
過小雪暉暉旭日明簾櫳幽軒宴坐觀道要枝頭有易殊參同
亥子中間逗消息元起貞下無初終此花格韻比高士歲寒千
里來相從清香一點著老幹自被常格非人功羌余風塵近十
載眼明凍萼穿玲瓏休尋詩思灞橋上先引歸夢孤山中

顧雙溪集

卷八

四

寄費孝廉蘭谷

三年旅食長安市要令君知行路難豈謂搜羅無曠典幾曾摸
索到孤寒雲霄騰達看新貴祝席相依惠古歡垂翅還爲五月
息碧梧陰下暫盤桓

歸來猶坐孝廉船喜近春暉似日邊未必功名須甲第相期事
業在丁年羌余膠擾曾何補念昔遊從輒惘然一自移官澧浦
後臯禽朔吹共因緣

癸未

深靈齋晏坐

孤城負流水高齋面遠山開牕遠舒眺發興青林間岫雲或自

出巢燕時來還微尙頗愛靜狗物誰能閒晏坐省往咎散帙尋
古權幸免觸熱譏寧厭居夷蠻

野泊看月借郭七桐淮作

澧水清寒泯泯流月華如雪映汀洲荒村野渡客程暮落木啼
猿楚塞秋風景蕭森催素髮行藏浩蕩信扁舟與君共立蒼茫
處談笑眞能解旅愁

九日阻風

空山誰人插茱萸那得菊花滿頭酒滿壺白衣不來候彭澤石
尤留客胡爲乎但有落葉櫻櫻白草漫漫飛流如馬奔空灘仰
望千峯萬峯爭巘岫欲從壑底升峯端薄寒中人衣裳單徑仄
顧雙溪集 卷八 五
路滑不可以躋攀曰知濟勝之具非健者願得罡風扶足下籐
枯竹瘦未可憑葛蔓蘿垂恥相借返而登舟招我同遊相期笑
傲凌滄洲忽如振衣千仞岡又如徑卧百尺樓逢佳辰開笑口
順流莫更張帆走衝風起兮水揚波擁櫂停橈巨須守澧水舟
中九月九

問雁

我有離羣思看雲感雁行因何越關塞不性冒風霜爲客受儻
倡謀身就稻梁猶勝獨坐者十載滯瀟湘

舟行雜咏

木緣簡書行遂鼓瀟湘柁隨行無長物卷帙乃陪我暫忻新見

增時破積疑裏年增學反減失時計已左尙思息萬緣日擁書
城坐此樂世不爭吾願庶幾果

下灘灘流急渡湖湖水大誰云衽席安如葉舞澎湃前船冒險
過我心屢憂危我險不自見旁觀當知之

山中多赤楊江上多丹楓愛其搖落晚秋盡猶青蔥豈係雨露
偏正恃堅貞功虛瘖苦外癩闊塞乃內充所以延年者常栖壑
壑中

昔賢偶戾止後人爭引之附會亦未免懿好斯無疑文正少孤
苦讀書聞在茲至今留高臺屹然澧水湄憂樂以天下志定畫
粥時公雖參政事所志未大施使公終秀才所志亦不欺世賢

顧雙溪集

卷八

六

居今僕營謀止其私興起百世人微公誰與歸

澗安鄉縣有范
文正公讀書臺

秋水灌洞庭支湖皆浩然混茫一氣合極目惟雲烟波瀾起無
定舟楫常爭先風帆不得用健艖亦有權誰謂濟川才居然屬
長年

勿言水懦弱在險能用壯盤迴萬重山不制三尺浪混混循崖
行約束戒奔放屈曲必如意性本無背向觸石石忽怒受怒不
受障一過波瀾平柔克貴善讓我行歷諸灘順逆固殊狀會讀
老氏書觀物知所尙

蕭蕭風氣寒冷露華白清輝升東南知是故園月三年隔庭
闈遠道消息闕誰云求斗簪足以慰明發

乾坤有且氣得之在清曉居家恒耽眠行役起我早水烟栖汀
蘋霞光散林鳥寸心適澄然凝思會塵表

落帆新月中草岸扁舟宿秋聲起寒蛩清影散羣木篷窗有書
卷和燈伴幽獨三歎萍梗踪胡爲在壑谷

與君十日話其願舟行遲豈意五兩輕好風偏送之此夕當參
差少留坐江澗暮春天晴和斜陽照淪漪細草綠如茵菜花黃
滿畦僕隸亦戀戀恨然臨路歧不恨會期促但苦知心希丈夫
重立已所貴無磷礪

過沅江記春間
與簡樞五別處

孤帆水驛遙荒村風景暮中夜萬感集况乃聽風雨自顧樗散
材本闕經世務勞勞營斗米僕僕競長路未能立脩名仍隨俗

顧雙溪集

卷八

七

所驚懷抱向誰傾古人鑒情慄

雨夜宿
包家峪

擬古

風颿迅捷不如擊楫皓月當空不如然松

且杳在林靡鳥不鳴網罟在淵靡魚不驚驅之羅之擾而失性
雲飛川泳物我咸靜

鉛爲刀石爲砮太阿澄然不耀其武

集菀樂于集枯集菀者如何茂林多風無靜柯巢傾則那
桐梓拱把樗櫟圍抱工師度之巨者好豫章初生僅如草

長沙雜感

一夕新涼白露初紅衣落盡惜芙蓉湘江秋水清無底閒數鱗

鱗婢妾魚

誰立寒流弔楚宮美人香草怨無窮傳中特筆書同姓解得騷
情有史公

不爲讒譏也合疎才人無命畧相如汨羅江上招魂後又見長
沙太傅書

障盡秋光是軟塵交衢擾擾走蹄輪此中多少陶元亮籬下黃

花莫笑人

道旁有賣
菊花者

萬里投荒獄麓遊清風長爲道鄉留聲名官職都休論遷客還
居第一流

城南清絕好林居想見譚經講道初未是前賢戀山水仕途從

顧雙溪集

卷八

古厭迂疏

橘綠橙黃好時節持螯聊復一開餅不須更憶草鱸美怕對秋

風說李鷹

食蟹

題閔三純如聽泉圖

空山無人聲何來響泉響幽人愛寂聽采藥每孤往披圖見仲
叔清襟絕塵惠十年學古淡天機樂中養適叶山水情妙悟契
元賞舞劍識書法定不滯名象喜君澹名姿寫意亦森爽始知
希夷聲不在絃指上

長沙秋夜借吳三古心郭七桐淮聽閔純如彈琴

琵琶箏笛耳那敢託知音此夜共良友邀君彈素琴因之聞古

樂一爲滌塵襟妙趣不可極天空月滿林

重過沅江

秋風又鼓瀟湘柁鷗鷺猶疑數往來野岸初看楓葉落故園已
過菊花開名場似奕無同局吏道如詩有別才且喜筆床茶甌
畔烟波佳處任沿洞

寄陶揮五

野馬飛揚任太空偶然升降隙光中莫驚鼠穴乘車入蝸角還
能着兩雄

橘州晚泊

趨參意所懶飄然便揚舲烟郭亂遠火風瀾浴秋星湘靈瑟聲

顧雙溪集

卷八

九

歇香江峯青

涉江采芳草容與乘安流天低環岸樹水縮獻沙洲獨立每懷
古感此瀟湘秋

湘波接洞庭暮色自遠至燈影葦間漁鐘聲烟際寺未知蒼茫
中何處着幽意

秋風吹客旣和雲宿秋浦憶昨渡春江篷牕夜聽雨美人何娟

娟離思託芳杜

三月中與陶揮
五同泊於此

南甯湖漁家

渺渺白水環漁村隱菰蔣培塿無松柏篔簹竹亦蕭爽落日晒蓮
簪微風蕩輕槩雖有得失心而忘榮辱想翛然物外遊聊寄滄

浪賞

緝麻結漁網采莎織漁簞得魚換斗米生計喜無多不尋桃花
源不希張志和胸中無古今興來叩舷歌江湖卽余樂何必栖
岩阿

鷓鴣

風波雨所狎果腹愛纖鱗戕賊自成性浮沉每伺人鉤深時得
倚冒險不謀身淺水難濡翼須教據要津

沅江阻風偕郭桐淮賦

北風怒吹萬竅號倒捲江水波瀾高波勢撼堤堤欲動急雨間
作聲蕭騷舟人叫呼堤上立丁丁椽椳加索絢然猶震蕩互撞

顧雙溪集

卷八

十

擊篷掀帆捲輕於毛此時披衣秉燭坐徹席恰如茅屋破飄灑
方驚衾簟沾淋漓更畏書囊浣自笑憧憧往復來卑飛卻走蒙
塵埃考書上下亦偶耳衝風聽雨誠勞哉塵勞物役無休息手
版庭趨竟何益雅化休談宓子琴飛空欲借王喬舄人生貴得
行胸懷長才那復拘繩尺鞞鷹側目上青霄磨牛罩眼尋陳跡
千年應官類轉篷筆床茶竈自從容桑下不妨三日宿江邊誰
助一帆風昨霄喜見故人面小春暖日明花縣與郭桐淮過沅江韓明府署
茗椀薰爐未盡歡哀絲豪竹重開宴已慨客途離別易安知思
尺炎涼變衰草寒雲望渺然葭蘆深處共鷗眠飄風驟雨不終
日坐待新晴好放船

阻風作

風蕭蕭雨淅淅客心急歸程遲以官爲家不當歸問我家何所
乃在大江東南震澤邊山水清且佳九峯第二泉芙蓉湖上芙
蓉花年年花開未還家五溪移官九溪住下灘來時上灘去
登高山望四野白雲孤飛親舍在其下我有慈母鬢髮華晨昏
不待母側而母爲兒持家兒官貧缺甘旨母傳教言勉爲廉吏
兒官雖貧母心喜

原上春令鳴且飛雲中鴻雁行相隨有弟有弟獨離居念爾辛
苦下帷一舉千里何遲韞爾璞中玉奪爾掌上珠時弟喪子窮達自
有命勸爾勿復歛歛養親悅親讀書著書

顧雙溪集

卷八

十一

贈郭桐淮

論詩摘其瑕衡已箴所偏友道貴切磋古意久闕然桐淮磊落
人任真謝雕鑄聞過輒色喜僂俛追前賢竹直中本虛松老心
彌堅風塵緇人衣期君無變遷

余性病儒緩况復迂且疏萬事已後人不悛猶故吾同官哂薄
落踽踽誰與俱共君積周旋曠無形迹拘君胡亦滯滯毋乃緣
耽書酸醜固殊好嗜痂有以夫

守道不可詘諧世良亦難諒無理人術且求心所安登山有蹊
塹涉江有波瀾何處無險途防身貴周完陸離倚天劍崔巍切
雲冠惜哉不適用奇服徒美觀

學古與入官今知誠兩事從時自有宜信書轉爲累君才本敏
達勞心勤撫字上下交相孚誰曰非良吏儒雅亦吾師揮灑有
餘地珠光照隣境德音冀頻寄

月夜

江水流月華空明極千里雲英與烟光因月化爲水水行月亦
行扁舟安得止上下皆澄然寸心貴如此

自慈利至九谿灘水益急

忽覺天都小方知地不平貫魚長纜急沒石衆篙爭崖勢如相
敵人功未可輕安危視所習入險莫先驚

九谿

顧雙溪集

卷八

十二

雷抃雲崩裏千盤入九谿水衝雙峽鎖天壓萬峯低曲折真成
字躋攀信有梯迢迢回路迥更在古城西

甲申

山行

春氣滿天地不到深山中枯樹旣蕭瑟怪石何龍嵒懸崖墮殘
雪大壑吹陰風適野意已倦安得生歡悰

題大復集後

東里之後西涯興雄長詞壇執牛耳館閣諸賢盡景從不受牢
籠獨何李信陽北地峙兩雄一日轟然大名起別派兼祧唐宋
餘探源直溯風騷始北地才情最兀傲七言丰骨尤奇偉英雄

大言或欺人惜哉摹擬裁形似厥後頽波互推激公安俚俗竟
陵詭虞山後起稱鉅公重爲西涯張壁壘矯枉過正論失平抉
摘瑕疵恣譏毀同時康王俱擯斥連逮信陽亦集矢詩選甄錄
何寥寥譬棄精粲存糠粃明代文人遞傾軋喜相標榜怒相詆
或憑高位壓孤寒或驚虛聲亂朱紫茂秦不列七子中覆雨翻
雲良足恥詩流也復角門戶黨同伐異成瘡痍漁洋心賞明月
篇稍爲平反得公是桐淮貽我大復集鮮若芙蓉出秋水清姿
如濯秀可餐俊逸未許粗豪比崆峒負氣未虛懷中道無端忒
萋菲人生交友貴始終輕薄先失風人旨先生耿介厲石節顧
視榮華猶脫屣百年佳惡有權衡眼前勝負奚悲喜散華落藻
顧雙溪集

卷八

十三

滿人間雅音洋洋叶宮徵我長雜誦不去手况與先生共梓里
桐淮秀骨自天成追嗣前徽應尺咫

集爲郭同寅桐淮所貽
桐淮乃先生同里故云

各郭桐淮

縣齋適無事撫我無絃琴和風汎華薄晴暉耀陽林鳴禽出幽
答感此求友心良友遠莫見離懷諒難任惠然尺素至貽以瑤
華音言將永爲好鄭重儷兼金

吏道視所尙纓綬焉足拘勞人含瓦石達士慕元虛或騁裘馬
豪兼恣聲色娛偏習均狗物焉用分賢愚誰能超眾累洗然養
恬愉君侯信周才暇輒綜琴書篇章何温麗兔若春華敷儻蕩
旣軼羣胡乃眷迂疎

十年官邊徠落誰同者孤城萬山中經歲絕車馬幸無車馬
喧足以遂疎野興來時浩歌幽思藉宣寫豈有巴人吟而歎知
音寡况奉君子歡結契攀大雅

昔泊長沙渚澄澹瀟湘秋擁君木蘭榭登君沙棠舟折麻將有
贈握蘭時相酬樂善心彌虛合志契自投花鳥感新序風雨思
前遊繫袍慨拘束飄梗任沉浮祇有雙鯉魚庶以消離憂

至辰州晤陶揮五

城隅小徑景蕭疏書簾琴張似故吾莫管桃花與葵麥重來一
笑卽元都

一夕逢君慰所思更闌剪燭雨絲絲年來菱角成雞豆不道人

顧雙溪集

卷八

十四

看似舊時

乾隆甲申四月余自溱浦赴江華任遇雙溪於辰州雙溪喜
而作詩凡五首卽題余江頭欲別圖冊中集所存乃第一章
第三章也其二章曰十年奔走與心違敢向迷途說昨非中
路停車欲誰訪青山無恙素交希四章曰簿書沉領果何能
喧寂無須著愛憎此去名山添小記更留詩句續春陵卒章
曰儘圖衡嶽賦瀟湘回首辰陽道路長鴻爪也留痕跡在試
看畏壘祝庚桑俱似可存故附錄之南城陶金諧跋

顧雙溪集 詞九

錫山顧奎光星五著

祝英臺近

朔風寒織雨下平隴暮陰覆草色凋零正是投衣候試憑高處
登臨霜重雲橫千里外寒山碧瘦 休回首當時萬紫千紅掃
落不如舊黃菊開殘聊勸東籬酒夜來颯颯蕭蕭鐵馬金戈原
來是秋聲吹透

蝶戀花

狂風欲捲春歸去春亦無情更伴殘花住試覓春光餘幾許落
紅已作枝頭雨 我勸東君君且止畢竟江南差勝他鄉耳君
顧雙溪集 卷九 一
便欲歸歸甚處鷓鴣枝上明明語

滿庭芳

疏柳綠堤敗荷侵沼秣陵一片清秋山圍故國王氣黯然收多
少六朝佳麗繁華歇分付東流江城外荻花蕭颯剩有打魚舟
重思曩日事英豪割據大戟長矛只龍蟠虎踞依舊還留王
濬樓船何在潮如雪亂打汀洲休憑吊前朝樂土底事後人愁

沁園春

佛手

潤借金鸞色分青鶴一拳自擎念有時背癢搔來定快無言淚
滴彈去還輕倦摘楊枝慵拈竹篔誰信前生出化城閒評語道
玉盤馥郁絕勝香橙 石爐蟹眼初烹好細瀹龍團醒宿醒看

仙掌玲瓏拈花欲放柔萸屈曲結印初成釋氏胚胎道家裝束
却傍儒生鄴架清相靜對喜新涼時候不負芳盟

水龍吟

遙天古木寒鴉從空掛出荆關畫故人別去想應只在夕陽山
下魚過江南雁飛天北音書難借但憑闌翹首雲沙千疊向誰
說相知話 楊柳長亭瀟酒記臨歧折來盈把那知別後落花
飛絮幾番凋謝最憶當時談心夜分拈牋花下乍叮嚀努力加
餐暮雨瀟瀟去也

金縷曲

燈下菊影用家梁汾韻

一幅重陽卷宴高朋銀燈絲障酒情天遣淡影凝香標格近灑

顧雙溪集

卷九

二

灑瀟瀟秋泣更不用圖將蜀繭別譜清妍刪粉黛較柴桑微月
籠枝淺司馬壁任伊展 珠簾掩映看難顯忽輕風搖紅燭影
葉圓花扁歷落高姿歛若舞不惹卧花鈴犬料承露經霜全免
我想欲眠陶處士笑文貞剛把春衣典盼良夜燭頻翦

二芙蓉

無數秋花卷最其中天然佳麗粉脂都遣帶得楚宮愁一片簌
簌淚痕微泣誰寫以銀牋金繭不信風流還有偶謝公詩初照
朝陽淺蘆渚畔幾枝展 非耶還是紅粧顯偶臨風含羞窺沼
釵橫髻扁意欲凌波浣錦鞵惹桃源仙犬想贈枕遺衾未免
最惜巫雲空隔浦洛神歸賦麗昭明典瀟湘際明霞翦

醉花陰

疏簾委地金波捲清照詩書案小雪已頻過只爲悲秋還道秋
光滿 烟冷花殘神思倦更被輕鴻亂新例奉情差鎖鑰愁城
都付離人管

二 咏香櫺

新寒惻惻疏林瘦巨顆圓勻候珠露滴秋圓寂寞花神軟撚黃
羅皺 紗幮清供瑤瓷秀消受濃香久重幙護深房分外酸心
休教和橙剖

於中好

藤蘿月上光如雪長吟彈指瑤階立朔風吹冷雁情思微霜逗

顧雙溪集

卷九

三三

斷花消息

鳳燈殘蓮漏咽此時懷抱和誰說登樓賦罷荆州

孤負仲宣眞慧業

滿江紅

題柏郎小傳後

愛醜憎妍諒非是天公之意只合是再來人世不教長住烟冷
藍田紅玉破月明滄海珍珠墜看紛紛竹馬與鳩車誰相比
最難乞前生慧最難認今生字若道兒頑陋長成應易春雨只
教稗草茂秋風偏令護蘭瘁笑人情舐犢競誇揚豚奴智

百字令

臥疾戲作

風露冷冷寒意重微砭芙蓉花骨漸訝東陽腰帶減五字清詩
吟歇花驪殘紅柳飄深綠一枕秋屏怯青綾卧擁瑣窗微上新

月 遣開藥裏茶煙深垂簾幕聽叮噹簷鐵何必金莖仙掌露
方愈長卿消渴一賦長門百斤拜賜靈地身輕脫是貧是病和
誰細細分說

踏莎行 春風詞

砌草長搖汀萍忽聚春來不測來時路暖烟遲日尙多愁晚寒
更鎖愁無數 蒜押湘雲檀盤紅霧無聊坐看斜陽暮相思更
巧似東風憑空幻入重樓去

前調 題離別詞後

望斷春山淚盈秋水信遙空盼青禽至愁多不見斷腸人柔腸
原是離愁鑄 帶怨長宿追歡如醉眉間心上難迴避若教相
顧雙溪集 卷九
變永相歡古今便合無情字

虞美人 春曉

海棠枝上流鶯語日影窺朱戶披衣便起莫遲遲怕擁鴛衾殘
夢又尋思 露珠如淚花梢落寂寞憑憑妝閣深情未許侍兒知
香墨輕磨親自畫長眉

春晝

午來春色濃於酒微倦初停繡床三丈越羅裳院靜無人仔
細看鴛鴦 畫樑雛燕雙雙語蝶也雙雙舞斜拖翠袖背鞦韆
日麗風和不少艷陽天

春晚

啼鶯語燕都歸也暮色陰陰下東風吹雨襲羅帷客舍春寒莫
是未添衣 寶欄花暝含煙薄一倍加蕭索侍兒貪戲上燈遲
暗對銀屏彈淚有誰知

春夜

玉蘭滿院花如雪花影香流月露沾羅韞向逡巡花影重重隻
影看花人 掩牕手剔銀燈謝漫把新妝卸惺惺慙嫌得鳳衾單
却似從前不甚覺春寒

子夜歌

祇陀寺中小閣故友楊君振六曾讀書其中振六
歿後其幼子卽削髮於此春日過寺見之肅客甚
謹往振六寓寺時猶白
誨之固望其讀書也

探春光臨溪小閣滿樹梅英盡吐忽惆悵故人長逝半載交情

顧雙溪集

卷九

五

如霧竹裡棋聲花前酒伴都逐飛塵去空延伫獨倚闌干遙望
墓間新草生陳土 筆硯令覓句尋章辛苦消歸何處博士功
名時文生活恁事堪憑據想庭前詩禮未抵佛香一炷舊日琴
書今朝經梵畢竟誰差誤歎多少燕翼飄零似君無數

齊天樂

梅

山中高卧有誰知雪裏曾經頻訪我已風塵君還清瘦便恐不
成真賞定豈貽餉喜老石虬根依然相傍寒甚并州可憐勒住
暗香放 虛憶紅綃綠萼只月殘風細孤眠紙帳玉笛休吹羅
浮夢遠第一黃昏惆悵故園凝望想兩度新正別來無恙玉照
堂前記舊時寒况

一萼紅 玉蘭

記隣家傍小山幽砌綺袂壓紅墻冰質初肥粉光輕矚月中清
影流香新晴好東風二月任微塵不浣素霓裳飛瓊碎處筠籃
細拾經付吳娘 好著握酥妙手和麵篩勻雪糖點甘霜玉屑
團成螺痕印就拆開十字芳芬歎旅館餅須刀截憶堆盤牢九
客新嘗正好清明近處更鬪茶槍

虞美人

水仙

輕黃淡碧纖腰素羅襪輕盈步午風遲日靜簾櫳人在衡山湘
水畫圖中 而今側側寒成陣莫想凌波韻縱然覓得小蓮花
却少清泉白石奈何他

願雙溪集

卷九

風入松

第二體

杏花

春來上苑百花鬆仙杏試東風一枝籠帽歸鞭快倚雲裁別樣
香紅可惜吳鄉寂寞依然江上芙蓉 年來踪跡似萍蓬百五
最愁儂夜卧小樓春雨細賣花聲喚醒懔懔且趁清明踏翠酒
家在那村中

紅娘子

桃花

休覓天台路莫訪元都樹臨水橋邊傍山樓上繁枝低露正春
陽噓暖醉游人怕仙源徑誤 花外香車度花裏新粧訖泛赤
非脂暈紅似酒朱顏并妬怯春風立倦掩重門任題詩崖護

永遇樂 柳

六曲屏風分明認得小江南
路山點螺青水拖鴨綠纔過清明
雨畫舫輕移紅闌斜凭綠染芙蓉湖渡泊江尖緩步殊佳好買
蜀山茶具 當時未信長條如此牽絆遊人不住自挂征帆晴
堤淮浦做別離情緒青眼含顰纖腰慢舞猶是故鄉丰度何處
訪翠蔭深沉小橋朱戶

永遇樂

荷花

撇脫愁條拓開情緒便無拘繫日裏輕颺風前亂舞問汝忙何
事紅英滿徑翠陰成匝且共夢雲游戲只輸他高下無心一任
撲簾依砌 對花懊惱闌干悶倚逗著懽騰情思未是顛狂何
辭輕薄知否春深矣恨伊來處千團百點都自離亭吹起願化
顧雙溪集

卷九

七

爲天際游絲約渠歸去

無悶 丁香

旅宿長安花院深沉月寫高松千尺正玉磬敲殘疎鐘韻歇靜
極忽聞芳氣恰兩樹丁香露華濕看娟娟冷色孤光未展柔情
妍結 清絕共密友坐遙夕草草杯盤肴核飢驅無定遠莫致
之千里日邊遙隔便兩度闌珊晚春色歎此間靜似僧寮階陰
砌畔蕭颯

蝶戀花

罌粟

月滿庭空勻撒子千葉重臺春暖盈堦砌黃綬緋衣綠底事止
須博得干囊米 臣朔長安飢欲死待詔金門遊倦須還矣粒

粒長腰君莫喜東風聊把先生喜

鵲橋仙

虞美人

吾爲卿歌卿爲吾舞感慨興衰之際虞兮虞兮奈若何便消盡
大王意氣 楚宮何處漢宮何處留得花枝旖旎美人端不負
重瞳知勝他野雞人鏡

喜遷鶯

白芍藥

幾番花信又催開妖麗廣陵春近新暑粧慵將離恨滿斷送韶
光爭忍誰道濃華婪尾却得淡描丰韻朱痕印向素磁安插疏
璃葉襯 輕粉微微暈富貴姿容不趁燕支陣解妒鵝黃深栽
犬白一盞玉盃清潤應伴曇花貝葉長怕翻堦誤認低聲問綠
顧雙溪集 卷九

誰縞素爲花吹盡

金明池

牡丹

香閣簾鉤寶欄幔卷閃出豔紅甘柔春意開暖風遲日試招腰
垂手新舞怪飛飛蝶遶峯圍原只在富貴筵前來去看仙酒朝
酣天香夜染便作羣芳宗主 莫說東君留不住願早度清明
慢過穀雨佳人捻纖痕舊印學士賞麗詞新譜惜近來小隱天
津念彩筆空傳金牋誰與乞種慈恩分根瓊島何似玉堂風
露

金縷曲

杜鵑

乳燕初能語靜悄悄夾衣纔試微回輕暑照羅敷重山躑躅高

下殿紅欲舞，賴點綴薰風。庭宇春老，萬花都掩淚。借啼時併向
枝頭吐。猩血染鶴林露。畫屏曲折，江南路。便清和新篁成徑。
亂紅飛雨，無限憐香惜翠。意人與花心同苦。爭忍作東皇孤注。
多少行人歸未得。恁無言催喚人歸去。三更月，獨延伫。

夢橫塘

茉莉

根移南海瓣，落毘邪。柔柔小蓮，冰潔當暑，偏宜便消盡人間炎。
熱半露明粧，微吹暗麝，眞應傾國想。蜀山蕤裡點注清泉幽事。
遠恨羈客，誰將珠蓓薰蒸，挹涓玉露，勻肌沁骨，筠簟紗幮。
銀缸燧逗些新月，有誰見瓊瑤綴髻手，按銀釵隱花色。純扇微
風，玻璃枕畔，早檀郎知得。

顧雙溪集

卷九

九

增字漁家傲

芭蕉

萬事雪泥鴻爪看，蕉葉心空，庭際隨舒卷。綠到文窗陰滿院。春
夢倦，藏隍覆鹿參疑案。偏是長宵愁不斷，雨細風尖，薦枕離
情滿。寫未成書封未展，無題款待將瘦語裁團扇。

水調歌頭

蜀葵

先生枯坐久，萬事嬾安排。齋前爭丈之地，葵藿任同栽。不耐掃
除一室，但喜雜花分映，蜀錦繡屏開。觸眼競紅紫，五色照書帷。
過梅雨，帶艾葉，引榴杯。天中大是佳節，何以遣吾懷。記得芙
蓉湖畔，一望蒲青蘋白，十里畫船迴。三徑恐荒矣，甚日賦歸來。

惜紅衣

榴花

吹遍薰風暑輕人倦翔陽當午萬綠濃陰清光滴花塢桃笙淨
展驚夢醒一番新雨無語簾捲窗明恰殷紅初吐 憑闌看處
綠葉裁烟丹鬢似含露羅裙窄地何事便相妒蹙取紅巾半幅
照破碧雲千縷問朱幡圖未好贈石家醋醋

菩薩蠻

風仙

紅紅白白朱欄外塵尾梢頭金液灑露令月華浮花開雲髻秋
瑤琴纖指弄流水桃花送菊婢太相欺呼他好女兒

適陂塘

荷花

傍湖邊陂三十六亭亭粉艷初吐花間翡翠嬾吟咏引入小紅
橋路低徊處想抱月飄烟應解人言語藕風吹暑看翠密香深
顧雙溪集 卷九 十一
笑聲隱隱輕過日蘋渡 客齋裏小葉圓花欲舞便教清夢飛
去鱸膾葦羹佳興發今歲歸期可數還凝竚怕一舸爽秋已冷
池塘露花能待否恐諸子成房苦心未了老葉戰涼雨

卜算子

玉簪

冰萼映文牕綠柄披瑤砌深院秋風夜月涼清露涓涓洗 裝
粉蕊猶含解線香初起好趁芳心未展時斜插烏雲髻

臨江仙

芙蓉

紫萼黃蘆寒颯颯早蓮開遍江頭湘西夢北泊輕舟壓波粧粉
濕映日淺紅浮 弄色未知搖落恨吳霜點破新愁盈盈半面
隔芳洲夢回鴛帳冷猶憶錦城秋

疏影

菊

饑驅底事想東籬一帶草深三徑遠思悲秋羈心驚節兩度逢
人卧病霜華却比江南早未輸與晚香疏韻鎖相依月白燈青
歷落瓊牕清影待把停雲賦罷對南山閒和紫桑吟咏歸去
來兮好伴梧黃楓赤叢花圓釘重陽節近多風雨且漫插帽簷
斜整如何任老盡秋光隴首亭高愁暝

燭影搖紅

長沙舟中

桂楫棠舟清波千里瀟湘水淡烟濃樹數峯青渺渺愁余矣正
是困人天氣任盡日延緣蘆箔筆牀茶竈未減吳儂五湖風味
前席爲榮洛陽年少曾如此當時猶是吊長沙何況風塵裏

顧雙溪集

卷九

十一

不見豐蘭沅芷更莫問三閭舊事君看宋玉賦手騷情悲秋而

已

臨江仙

莫憶大羅天上事夢中閭闔門高翻然却上木蘭橈若爲贈佩
珥節向江皋待得荷衣裁製就自憐素髮飄蕭青山隱隱水
迢迢奈何名士痛飲讀離騷

菩薩蠻

雨過沅江

暮雲春樹縈離緒那教更聽瀟湘雨暝色剪江行南風五兩輕
芙蓉猶未老澤畔多香草采采欲誰遺啼鵲有所思

燭影搖紅

寄暉七弟

修禊過時郵筒接汝平安字那知二豎復纏綿且住爲佳耳

辛鄉

謂愈瘡曰住此語借用不少杜陵奇句奈未悉新來何似放開懷抱努力

加滇春風多厲莫問炎涼科名以上非無事由來辛苦學穿楊顛倒憑據權遣書堂學子姑整頓明窗淨几叢殘卷映跌宕間霍然而起

又

千萬經心向來壁立無家計莫將珠桂累慈親白髮盈梳矣清俸贏餘有幾稍料理高堂甘旨行方多怪語直多尤莫招時忌我亦闌珊暫嘗雞肋眞無味算來名實俱悠悠空墮風塵裏漫說分符百里但飽看青山白水催科政拙縱竭吾才未諧人

顧雙溪集

卷九

十一

意

又

打鼓升堂現身傀儡眞如戲祇將安靜撫疲氓何術蘇彫瘵服輒焚香掃地戀積習未拋經史一饘兩飯安分隨常寒酸風味流水行雲宦途佞事堪懸擬此生不解有機心分付從天去回憶青旻墜翅那復顧人間塵滓向來落拓甘不如人詎堪作吏

又

二月裁書未知消息何時至擬教汝奉板輿來此願還虛置料想凌兢弱體怎跋涉長途寒暑清宵獨立步月看雲宦情如水

激浦歸來片帆又赴長沙去何時夜雨對床眠鬱鬱和誰語
一事差堪慰意聞小妹添甥之喜爲吾問訊親友何如匆匆不
既

菩薩蠻

咏史

侏儒飽食長安米安用先生編貝齒當日貴文成誰知有歲星
不須羞狗監司馬由伊薦碌碌笑王孫文君信可人

酌江月

美食赴辰郡舟中作

落紅糝地徧江干惟有李花如雪正是春陰晴景少不道濃芳
銷歇枉渚層波孤村薄暝雨洗新烟濕阻風巾酒也教過了寒
食剛可夢到江南平橋弱柳正蘭舟初發悔別青山微祿悵
顧雙溪集
卷九
十三
贏得一番蕭瑟薄負才情做成憔悴料峭侵花骨者般宦况何
消破費時節

金縷曲

留別徐栗園同年

君向衡陽去共些時更闌翦燭殷勤別意華國文章輕國手慙
愧蒼蠅附驥空竚望軼塵千里縱教如山堆案牘儘從容決遣
原無事看游又有餘地虎頭何事來爲吏忝分符縣城斗大
禦窮而已畫虎屠龍俱未免容我青山隱几賴膠漆齊年昆弟
宦跡萍浮兼梗泛更幾回得好風吹聚盼尺素雁回處

采桑子

雨泊龍陽

晚向龍陽洲上住放下疏簾摺起香箋燭影爐烟伴獨眠橋

村雲暗孤舟暝微雨綿綿暗水濺濺何處湘靈十五絃

水龍吟

阻風

問君何事遭迴扁舟晚宿湘江渚天垂平野遠山不斷模糊雲
樹萍梗年年游梁入洛慣成羈旅看青袍未改素衣先化誰會
得沉吟處 莫道還能蘊藉負韶華鬢絲如許風塵回首鴛鴦
被嚇終成腐鼠形骸土木任呼牛馬安知爾汝只淒涼水驛人
閑遙夜夢醒私語

沁園春

題夢遊卷

曾記幽窗滿架薔薇殘春晚晴看玉鉤半挂湘簾波動雲屏全
隔羅幃塵輕若有人兮淡粧濃抹芳訊纔通已目成徘徊處訝
顧雙溪集 卷九
香臺鏡檻着箇書生 依稀佩絃聲那易得江湖載酒行歡花
叢眼冷虛稱佳麗枯禪心定未算才情同怨紅顏先影素髮錦
瑟年華只暗驚游仙去悵分明是夢夢太分明

千秋歲

新正五日坐瀟署後齋焚香煮茗與羅七夜談賦此

那知官舍如此清閒者幽興愜逾瀟灑茶煙香篆裡梅影燈光
下休健羨高城華館春風夜 吏隱應非假如水臣心也想異
日征帆挂君還愁寂寞我莫誇高雅單記取杏庭新月同情話

金縷曲

張慧川索題焚香煮茗圖

十丈紅塵裏展圖看丰神雋爽豈非佳士裊裊博山煙似篆爐
畔松濤徐起有桃葉桃根雙侍風雅已推流輩伯擁嬋娟出勝

康成婢不須說玉川子
羌余宦海添憔悴笑年來推琴閣筆
勞勞如許欲向畫圖分半榻掃地焚香而已任跌宕賓朋文史
錫麓甘泉陽羨茗問淵明只合思鄉里誰剪取吳淞水

臨江仙

沅州道中

草綠湖南春色好桃花紅映梨花江流曲曲抱村斜平坡側岸
隨意兩三家 試問高城華館裏何如雞犬桑麻縱殊遷客去
長沙池魚籠鳥薄宦負韶華

沁園春

看菊

竹閣沉沉垂下疏簾低迷夕窗看五溪衣服久依蠻府滿城風
雨又過重陽種菜牆東攤書研北儘自從容着恁忙隨分去且
顧雙溪集 卷九
休圖作佛祇愧爲郎 不須商酌行藏只蓬轉萍流欠主張笑
空囊羞澀一錢留得故鄉阻隔三徑全荒陸亦能沉吏還可隱
獨愛黃花晚節香沉吟久問江湖山藪何日徜徉

卜算子

雨宿村家

月黑鬼行秋風急猿啼嶺莫道山林有靜機萬響喧清聽 崖
厂暮烟深板屋燈光冷永夜寒衾夢不成奈此淒涼境

金縷曲

雪中費生蘭谷見過
用彊指詞中韻字之

久矣疏書卷歲將闌印床鏰上塵勞暫遣共對瑤臺飛雪滿簷
柱一條冰泫消九九何須纘繭似玉温温雲藹藹借和風便覺
寒威淺懷抱盡笑談展 要津高足爭通顯哂吾生方心啞舌

難逢俞扁君肯相從耽寂莫書靜不聞雞犬只半芋分來未免
異日遲君修五鳳看卓然大雅羣材典劍光耀擬懸翦

前調 偶以紙障書架耀七弟
題詞其上因更和之

滿架叢殘卷虎頭癡書溢有癖書魔未遣更愛摩挲青李帖似
屋漏痕猶泫稍附益吳箋蜀繭十載雕蟲供壯悔歎棘猴楮葉
工夫淺陳編啟古歡展也稱高職聲名顯歎粗官雜其卑矣
政如石扁欲換凡胎無上藥空惹吠劉仙犬想俗狀塵容難免
輸却蠹魚成脉望簿書堆何處甯經典結習在慢除翦

摸魚兒

書簾垂峭寒庭院雙雙新燕來去人日花朝頻過了贖韶華幾

顧雙溪集

卷九

五六

許憑欄處看一彈山城水繞如之字籠烟抹霧惜杏靨消紅柳
眉減翠慘愴少情緒 山屏上歷歷江南歸路宦游仍似羈旅
縱使酒懷吟興在已是十年塵土空延伫拚傷別傷春極目滿
湘暮娥隅任賦便千里投公參軍難得祇解作蠻語

百字令

寄周光宇

愛蓮花者却年年長伴先生五柳弄月吟風灑灑甚爲問因何
清瘦桂長新陰杏霑宿雨正洽春時候無過小病近來情緒佳
否 尙記秋翦湘江黃灣蘆渚吳舫過重九別後生疏芳訊隔
添得夜郎僝僽墨綬猶懸青衫未脫一例饑驅走並君臺省不
須更學瓶守

光宇初病時
艱於語言

點絳脣

春夜有感寄楊雍度妹夫

淡月疏星露寒風冷深庭院曲闌干畔人靜花陰轉
楚水吳山各自春光半天涯遠杜鵑啼倦不省營巢燕

水龍吟

春晴

夢回日上紋紗鵲如裂帛催人起闌干倚眺輕烟乍捲遙嵐初
洗桃色蒸霞梨粧綴雪坡頭沙尾只杏花飄落雨聲中盡彈指
見新陰矣 莫道山城寥寂藉東君也成佳麗清泉煮茗香泥
樹蕙未拋幽事天與繁華聽鶯歌罷蝶雙雙舞好隨時惜取韶
光休悶到吹風絮

一萼紅

舟中清明

顧雙溪集

卷九

七

曉風輕泛扁舟似葉磬折繞山行草膩新烟花宿霧初日纔挂
銅鈿恰登白蘋兮騁望向蘅皋蘭渚度清明冷處夷猶忙中澹
蕩真是書生 吹墮軟紅塵裏便腰章手版孤負閑情染楫柔
藍撲舸暖翠隱几慵踏青青看官道垂楊眠起臨溪影猶自倦
逢迎何事東方千騎苦愛榮名

高陽臺

題陶生昆謀呻吟集後却寄

桂水流春湘雲約夢關心錦瑟年華千里書迴展開淡墨吳箋
歡悰樂事都銷減一星星素髮新添只贏他淒冷襟懷綺靡詩
篇 鸞膠不續冰絲斷是最難填補恨海情天游倦長卿更教
消渴纏綿酸甜味須嘗偏怕鑄磨菱角成圓寄雙魚回憶家

山舊共延緣

昆謀方悼
亡又多病

疏影

悼楊端操姑丈兼呈
齋先生即寄雍度

新涼殘暑記蘭舟催發方適南楚日轉梧陰小住留連別緒老
懷悽苦山中杖履追陪慣看銷魂黯到無言處幸雙魚頻寄平
安未減含飴懽趣前輩風流有數歎平生疎俊空費幾許豈
意年來蒼舊彫零稀似曉星初雨楊花落後鶻啼歇惡夢過高
齋軟語想掀髯談笑依然祇有淚成河注

摸魚兒

寄江賓谷卽
題其詞集後

楚天秋數峯江上湘靈遺韻誰譜幔亭人散笙簫競恨少情悵
琴趣微吟處愛一弄松風泉答幽修語栖毫選句想別出清新
顧雙溪集卷九
故教談澁好領暮香味薔薇露休灑花間樂府君身仙骨天
與鉛華粉墨都刪了那觸輒紅塵土須識取淨冰雪聰明夢筆
兼禪悟閑情漫賦便聽到希聲攜來避俗悵望碧雲暮

臨江仙

春齋卽事

急雨顛風過正月新晴蜺見韶華橫峯側嶺翠交加無情依水
石有夢到鶯花十載緇塵欺素髮關心松菊桑麻誰言好處
便爲家登高頻遠望親舍白雲遮
信是東君無揀擇也教寒谷春迴坡邊桃杏爲誰開輕朱兼薄
粉照水自低徊遠道綿綿芳草合斷無車馬能來啼鶻不用
早相催離情先撥動紅燭冷殘灰

曾憶摻袂分袂日別來幾度春陽和風初暖日初長夢中還得
句春草滿池塘 我已蹉跎君踳躓何時夜雨連床共憐結習

未能忘遺愁憑翰墨愜意愛文章

懷謬
齋弟

曉聽園林烏鳥樂養花天氣晴陰冷洽幽澗和鳴琴訟庭人悄
悄書院草深深 夙昔分題齊和韵情懽過後誰尋勝流雲散
獨長吟升沉誰着意去住兩關心

莫惜凌波羅襪澆且教踏盡紅塵溪山分得與幽情倦同中酒
客枯是坐禪人 官職聲名成底事得來也只平平食盤睡枕
寄吾生且看春色似流水與行雲

一樣簿書堆裏坐占來逸興偏多更無艷舞與清歌窺窗眉影

顧雙溪集

卷九

五九

月映檻麴塵波 花笑不容兼吏隱者般蕭瑟如何風光二月

正清和焚香掃地坐燕雀莫相過

風過榆錢飄滿地綠楊搖颺如絲畫長人靜晚衙遲雨勻山杏

後日醉海棠時 打鼓相歌農事勸閑看田叟扶犁人言閑靜

頗非宜致君須讀律判牘莫吟詩

大室獨行還獨坐故人便有書來烏絲欄畫錦箋迴論心刪長

語選句出清才 尸祝庚桑應誤計年年不換頭階四特仕宦

恁安排待君同挂席結約一時開

答陶
揮五

化得雙鳧隨意住愛瀟湘水澄清迴溪枉渚記曾經蓬窗頻剪
燭夜雨憶同聽 更遣萬山深處去愁來華髮星星舊交相對

眼終青喚人看腰裏不嫁是傅婷

兒女催人人易老那教膏火煎熬心長智短太勞勞飛鳥將數
子語燕定新巢 修竹高梧矜得意有時却羨蓬蒿莊生齊物
可逍遙春光共流轉對景且遊遨

顧雙溪集

卷九

千

族祖雙溪公詩集上規修遠公三世靈緒下啟笠舫公兄弟父子一門著作之林同時昆季如晴沙公之響泉集諤齋公之翠茗軒詩鈔訥齋公之南華詩草輝耀於乾隆間

國家文運隆盛之時視唐李氏花萼集殆過之也洎咸豐間粵匪之亂舊槩旣嵬而遺編之在故家右族者同燼抑亦載籍之大戾矣余子心禪嗜詞章之學從逆燼後訂墜蒐遺用聚珍字剞印多種力不足釀諸同志歷十數寒暑而無倦壬辰春森書兄弟用其言應之以資印成笠舫學和斐瞻傳爰四公詩是爲辟疆園遺集其明年寓書森書謂得雙溪詩集於閩商所以印行者亟量寄厥需用佐鳩工今年正月聞工過半而心禪病病顧雙溪集

且逝工亦中輟三月森書暫歸自皖省吾衰親詢知原詩八卷已就者五其未印之三遂借子弟典書銘書踵而成之詞一卷附後於是森書自歎浮沈幕府分所應爲之事多不克遂非心禪開其始安得藉手以竟其終是斯集之將湮而復顯也實賴心禪勤於搜葺其惠及吾宗之意良不可沒而印工中輟復底於成心禪靈爽而有知也亦可無憾於九京矣公以進士出宰治瀘溪桑植等邑其生平政績湘之人已紀而傳之尸而祝之惟撰述如然疑錄春秋隨筆毛詩牖日錄雙溪文稿皆因亂散佚倘海內藏書之家有是槩本舉以見遺得重鐫以壽諸世是又森書禱祀以求之者也光緒乙未四月五世族孫森書謹跋

